



17 მაისი, 2018



ხუთშაბათი, №5 (2220)



### თსუ-ის ხარისხის უზრუნველყოფის სამსახურის ხელმძღვანელი ჰყავს

თბილისის სახელმწიფო უნივერსიტეტის ხარისხის უზრუნველყოფის სამსახურის ხელმძღვანელი ჰყავს. ეს თანამდებობა, აკადემიური საბჭოს წარდგინებითა და წარმომადგენლობითი საბჭოს თანხმობით, დაიკავა ირმა გრძელიძემ, რომელიც ამავე სამსახურს ქუთაისის აკაკი წერეთლის სახელმწიფო უნივერსიტეტში უძღვებოდა.

იმ ეტაპზე, როცა უნივერსიტეტის ავტორიზაციის პროცესი დაწყებულია, ძნელია, მოასწრო პროცესებში სრულფასოვანი ჩართვა, თუმცა პროფესიონალისთვის, რომელმაც კარგად იცის — რომელი სემინარის მიმართ რა მოთხოვნები არსებობს, დაუძლეველი არაფერია.

რა კონკრეტული გეგმები აქვს უნივერსიტეტის ხარისხის უზრუნველყოფის სამსახურის ახალ ხელმძღვანელს და რა სიახლეებს უნდა ელოდოს საუნივერსიტეტო საზოგადოება უახლოეს მომავალში, გვესაუბრება ირმა გრძელიძე.

83. 2

## თსუ-ში ევროპის ახალგაზრდა წარმომადგენლობა გაიხსნება

ივანე ჯავახიშვილის სახელობის თბილისის სახელმწიფო უნივერსიტეტში ევროპის აკადემიის რეგიონული წარმომადგენლობა 2018 წლის სექტემბერში ოფიციალურად გაიხსნება. ამის შესახებ შეთანხმებას თსუ-ის რექტორმა გიორგი შარვაშიძემ და ევროპის აკადემიის პრეზიდენტმა ზირდ კლოტინკამ მოაწერეს ხელი.



83. 2

## ესაების ჯონაურსი – „დამოუკიდებლობიდან თავისუფლებისათვის – რუსუბლიის 100 წელი“

საქართველოს პრეზიდენტის სარეზერვო ფონდის დაფინანსებით, საქართველოს დამოუკიდებლობის 100 წლის იუბილესთან დაკავშირებით, სტუდენტებისა და პროფესორ-მასწავლებლებისთვის ესეების კონკურსი გამოცხადდა — „დამოუკიდებლობიდან თავისუფლებისაკენ“ — რესპუბლიკის 100 წელი, რომელსაც განათლებისა და ცნობიერების ამაღლების ინსტიტუტი (EARI) განახორციელებს.

მასში მონაწილეობის მიღება შეუძლიათ საქართველოს მოქალაქე სტუდენტებსა და პროფესორ-მასწავლებლებს.

5 წევრისგან შემდგარი ჟიური (მათ შორის ისტორიკოსი, ლიტერატორი, მწერალი)

გამოავლენს კონკურსში მონაწილე ესეების ავტორებიდან 20 საუკეთესოს. ამასთან, სტუდენტებს შორის გამოვლინდება პირველ და მეორე ადგილზე გასული გამარჯვებული, რომელთაც გადაეცემათ ფულადი ჯილდო, I ადგილისთვის — 1500 ლარი, II ადგილისთვის — 1000 ლარი.

პირველ და მეორე ადგილზე გასული გამარჯვებული გამოვლინდება პროფესორ-მასწავლებლებს შორისაც, რომლებიც ასევე მიიღებენ ფულად პრიზებს — I ადგილისთვის — 1500 ლარი, II ადგილისთვის — 1000 ლარი.

საკონკურსო განაცხადების მიღების დასრულების შემდეგ მოეწყობა კონკურსანტების

შეხვედრა პრეზიდენტთან. პროექტის ბოლოს კი გაიმართება გამარჯვებულების გამოვლენისა და დაჯილდოების ცერემონია, სადაც გამარჯვებულებს პრეზიდენტი დაასახელებს.

კონკურსანტებმა საკონკურსო ნამუშევრები უნდა წარმოადგინონ 7 მაისიდან 27 მაისის ჩათვლით.

საკონკურსო ნამუშევრები უნდა გაიგზავნოს ელექტრონულ ფოსტაზე [instituteeari@gmail.com](mailto:instituteeari@gmail.com). ნაშრომში აუცილებელია მითითებული იყოს ავტორის სახელი, გვარი, საგანმანათლებლო დაწესებულების დასახელება, თქვენი პირადი ელ-ფოსტა და თქვენი ტელეფონის ნომერი (მონაცემების არასრულყოფილად წარმოდ-



გენის შემთხვევაში ნამუშევრები არ მიიღება).

განათლებისა და ცნობიერების ამაღლების ინსტიტუტის (EARI) მიზანია სამოქალაქო განათლების ხელშეწყობა; ცნობიერების ამაღლება; თვითმართველობებში კვალიფიკაციის ამაღლებისა და გადამზადების ხელშეწყობა ტრენინგების, ვორკშოპების მონაწილეობითა და კონკურსების ორგანიზებით.

საკონტაქტო ტელეფონი: 558 45 11 12

### ნომერი

თავდაცვის მინისტრმა რეზერვის ახალი, ანაზღაურებადი სისტემის დანერგვა დააანონსა



83. 3

ახალი წიგნი თაროზე - „ივანე ჯავახიშვილი ქართული უნივერსიტეტისთვის“ 83. 4

ვინ გახდა პროფესორ ესტატე ხმალადის სახელობის სტიპენდიტი 83. 5

თანამედროვე რუსთაველოლოგიური კვლევებით კომენტირებული „ვეფხისტყაოსანი“ 83. 6

### თსუ-ში სტუდენტური პროექტების დაფინანსების კონკურსის მესამე ეტაპი დაიწყო



83. 11

საქართველოს დემოკრატიული რესპუბლიკის 100 წლისთავისა და უნივერსიტეტის 100 წლის იუბილესადმი მიძღვნილი ლექციათა ციკლი 83. 10

ნანა შათაშვილი: „უნივერსიტეტში გაგატარე მთელი ჩემი შეგნებული ცხოვრება“ 83. 11

მიკვლეულია ანდრია ბენაშვილის საფლავი 83. 13





# ტსუ-ის ხარისხის უზრუნველყოფის სამსახურს ახალი ხელმძღვანელი ჰყავს

1-ლი გვ. 1-ლი გვ. 1-ლი გვ.

ბაია ბორაძე

**როგორ დაგხვდათ უნივერსიტეტი და თქვენი აზრით, რა გამოწვევების წინაშე დგას იგი ამ ეტაპზე?**

— დავამთავრე აკადემიური წერეთლის სახელმწიფო უნივერსიტეტის ინგლისური ფილოლოგიის საბაკალავრო და სამაგისტრო პროგრამა, თუმცა საკანდიდატო დისერტაცია 2004 წელს აქ, თბილისის სახელმწიფო უნივერსიტეტში დავიცავი. ასე რომ, შეიძლება ითქვას, ორივე ტრადიციული უნივერსიტეტის წარმომადგენელი ვარ და, შესაბამისად, ვიცი — რა გამოწვევების წინაშე დგას ამ ტიპის ინსტიტუტები. მოგეხსენებათ, ოთხი წელი ვმუშაობდი აკადემიური წერეთლის სახელმწიფო უნივერსიტეტის ხარისხის უზრუნველყოფის სამსახურის უფროსად, რაც, ცხადია, საპასუხისმგებლო იყო, თუმცა, ჩემთვის დიდი გამოწვევა და დიდი პატივი იყო ამ ვაკანსიაზე განაცხადის გაკეთება, რაც აღვნიშნე კიდევ, როდესაც თსუ-ის აკადემიური საბჭოზე სამოქმედო გეგმის პრეზენტაცია დავინიშე, რადგან ივანე ჯავახიშვილის სახელობის თბილისის სახელმწიფო უნივერსიტეტი არის თავისუფლებისა და სახელმწიფოებრიობისათვის ბრძოლის სიმბოლო.

უნივერსიტეტს აქვს საკუთარი ტრადიციები, თუმცა, საგანმანათლებლო სივრცეში მიმდინარე პროცესების პარალელურად, ხდება მათი ნოვაციური ჭრილობის განხილვა, მართვის, სწავლებისა და კვლევის პროცესში ახალი ტექნოლოგიების იმპლემენტირება საერთაშორისო სტანდარტებთან მაქსიმალური დაახლოებისა და უნივერსიტეტის ძირითადი მისიის უზრუნველყოფის მიზნით. გამოწვევები კარგი მოტივაცორია განვითარებისთვის, ისიც ვიცი, რა პოტენციალი გააჩნია თბილისის სახელმწიფო უნივერსიტეტს მისი ადამიანური რესურსებიდან გამომდინარე. დარწმუნებული ვარ, უნივერსიტეტის მისია — იყოს პირველი რეგიონში და ცნობადი მსოფლიოში, მიღწევადია.

**რა მოეწონა აკადემიური და წარმომადგენლობითი საბჭოების თქვენს პროგრამაში?**

— პროგრამა, რომელიც აკადემიური და წარმომადგენლობითი საბჭოების წარუდგინე, დამყარებული იყო საკუთარი გამოცდილებისა და არსებული სიტუაციის გაანალიზების შედეგებზე და მოიცავდა ჩემს ხედვას ხარისხის უზრუნველყოფის სამსახურის ფუნქციების შესრულებისა და უნივერსიტეტის განვითარების ხელშეწყობის ძირითადი ასპექტების შესახებ.

ქართველ და უცხოელ კოლეგებთან ერთად, ხშირად ვსჯელობთ, რომ შიდა ხარისხის უზრუნველყოფა ერთ-ერთი მთავარი გამოწვევაა თანამედროვე უნივერსიტეტებისთვის. ეს 2015

წლის მინისტრიალზეც გაცხადდა. შიდა ხარისხის უზრუნველყოფა არის ხარისხის კულტურის ჩამოყალიბების ერთ-ერთი მთავარი ასპექტი. მიმაჩნია, რომ ამის მიღწევა ნებისმიერი ჩვენგანის ჩართულობის გარეშე წარმოუდგენელია, ანუ ხარისხი, როგორც ასეთი, სეგმენტირებულად არ არსებობს. ამიტომ, აუცილებლად უნდა მოვახერხოთ, რომ აკადემიური და მონვეული პერსონალი, სტუდენტები, დამხმარე პერსონალი, პროგრამის ხელმძღვანელები, ადმინისტრაცია, ყველა ჩვენი სტრუქტურული დეპარტამენტის თანამშრომელი, დამსაქმებლები და კურსდამთავრებულები ერთად ვზრუნავდეთ საგანმანათლებლო პროგრამების განვითარებაზე.

უნდა დამკვიდრდეს ერთგვარი სისტემა, რომელიც ყოველი წლის ბოლოს მოგვცემს სწორი მონაცემების გონივრულ ვადაში შეგროვების და ამ მონაცემების ანალიზის საშუალებას. ფაქტობრივად, ამ მონაცემებზე და ანალიზზე დაყრდნობით უნდა გავაკეთოთ თვითშეფასება და დავსახოთ სამომავლო გეგმები, თუ როგორ უნდა განვივითარდეთ. აი, ეს ორი მიმართულება — ჩართულობა და სისტემური კვლევების არსებობა გახლდათ ჩემს პროგრამაში აქცენტირებული.

რაც შეეხება მესამე მიმართულებას, ეს არის ქართველი თუ უცხოელი კოლეგების მიერ ერთმანეთის შეფასება და კარგი პრაქტიკის გაზიარება. ვფიქრობ, რომ ავტორიზაციის შემდეგ საინტერესო იქნება უნივერსიტეტებმა გაუზიარონ ერთმანეთს — თუ რამ იმუშავა კარგად და სად იყო ის გამოწვევები, რომლებიც შეიძლება ერთად გამოვასწოროთ. მგონია, რომ ამ საქმეში ქართველი და უცხოელი კოლეგების მხარდაჭერა და ჩართულობა მნიშვნელოვანია.

**ახლა მიმდინარეობს ავტორიზაციის პროცესი. რა ეტაპზე ვართ და რას უნდა ველოდეთ უახლოეს მომავალში?**

— თბილისის სახელმწიფო უნივერსიტეტი რამდენიმე მნიშვნელოვანი გამოწვევის წინაშე დგას — როგორც ინსტიტუტები, ემზადება ავტორიზაციისთვის და, ამავე დროს, რამდენიმე საგანმანათლებლო პროგრამა გადის აკრედიტაციას. ეს პროცესი უფრო მასშტაბურ ხასიათს 2019-2022 წლებში მიიღებს. დღეისათვის კი სამი საგანმანათლებლო პროგრამა აკრედიტაციაზე წარდგენილი და უახლოეს მომავალში კიდევ სამ პროგრამას წარვადგენთ.

ავტორიზაციის პროცესისთვის მზადება რამდენიმე მიზეზის გამო მართვი არ არის. ავტორიზაციის ახალი სტანდარტების დაწესების შემდეგ ყველა ინსტიტუტს ახალი რეალობის წინაშე დადგა. ახალი სტანდარტები რაოდენობრივი მახასიათებლების/ინდიკატორების ნაცვლად, თვისებრივ ინდიკატორებზეა აქცენტირებული და რეალურად აფასებს ინსტიტუტის განვითარებას წინა ავტორიზაციიდან დღემდე. თვითშეფასების ანგარიშიც,



ირმა გრძელიძე

რომელიც ახალი ავტორიზაციისთვის მომზადდა, იმ აქტივობების ანალიზია, რომელსაც უნივერსიტეტი სტანდარტების (და არა მხოლოდ) დასაკმაყოფილებლად ახორციელებდა.

ადრე არსებული ავტორიზაციის 3 სტანდარტისგან განსხვავებით, უკვე 7 სტანდარტი უნდა დავაკმაყოფილოთ. ყველა ამ სტანდარტის დაკმაყოფილება, თავისი ქვესტანდარტებით, უნივერსიტეტის ყველა სტრუქტურული ერთეულისა და დაინტერესებული პირისაგან დიდ ძალისხმევას მოითხოვს. ეს პროცესი განსაკუთრებით რთულია სახელმწიფო უმაღლესი საგანმანათლებლო დაწესებულებებისთვის, თუ გავითვალისწინებთ ამ სახელმწიფო ინსტიტუტების რესურსებსა და არსებულ რეგულაციებს.

ავტორიზაცია საკმაოდ რთული ეტაპია, თუმცა ყველა ინსტიტუტში, მათ შორის, თბილისის სახელმწიფო უნივერსიტეტშიც, გარკვეული საფეხურები უკვე გაიარა — მომზადებულია თვითშეფასების ანგარიში (შესაბამისი დოკუმენტების თანხლებით) და უკვე წარდგენილია ხარისხის განვითარების ეროვნულ ცენტრში. ივნისის პირველ კვირაში ველოდებით ქართველი და უცხოელი ექსპერტების ვიზიტს, რომლებიც ჩვენს მზაობასა და ავტორიზაციის სტანდარტებთან შესაბამისობას შეამოწმებენ.

**თუ მოასწარი უკვე გაანალიზება — რომელ სეგმენტში უფრო მეტი ხარვეზი გვაქვს?**

— ფაქტობრივად, ყველა მიმართულებით შეგვიძლია დავინახოთ პროგრესი და გამოწვევები და ვნახოთ, თუ რა აქტივობები ხორციელდებოდა იმისთვის, რომ თითოეული სტანდარტი დაკმაყოფილებული ყოფილიყო. ჩვენ ვართ სახელმწიფო უნივერსიტეტი და ეს ერთგვარი გამოწვევაა არის, რადგან დაფინანსების მოდელი ყველა მიმართულებით სწრაფი განვითარების საშუალებას არ გვაძლევს.

უნივერსიტეტი მიმდინარე განვითარების პროცესები სისტემური სა-

სიათის უნდა იყოს. ფაქტობრივად, ჩვენი სამომავლო გეგმა პროცესების უზრუნველყოფად ანგარიშგებისა და სისტემური კვლევების წარმოება.

გარდა ამისა, გვჭირდება რეაგირების მექანიზმების აწყობაც. არსებობს რამდენიმე ტიპის რეაგირება: ერთი, მყისიერი, მეორე, რომელსაც არ სჭირდება განსაკუთრებული ძალისხმევა გამოსასწორებლად და მესამე, რომელსაც სჭირდება დიდი ადამიანური, დროითი და ფინანსური რესურსი. ამ მიმართულებებით აუცილებელია სამოქმედო გეგმების არსებობა და მონიტორინგი.

**ბოლო პერიოდში რამდენჯერმე იქნა შეტანილი ცვლილებები სილაბუსებში. რით იყო ეს გამოწვეული — მოთხოვნები იცვლებოდა ასე სწრაფად თუ ჩვენ ვერ აღვივით სწორად, რას სთხოვდნენ ფაკულტეტების ხარისხის უზრუნველყოფის სამსახურებს?**

— სილაბუსი, ასე ვთქვათ, „ცოცხალი ორგანიზმი“ა. თუკი მე, რაღაც პერიოდის წინ სილაბუსში, შეფასების სისტემაში, მქონდა მითითებული, რომ კონკრეტულ აქტივობას ვაფასებ ტესტით და გარკვეული დროის შემდეგ აღმოვაჩინე, რომ ტესტის მეშვეობით სწავლის შედეგი კარგად ვერ შევაფასე, რა თქმა უნდა, როგორც პროფესორს, მექნება განწყობა, რომ გამოცვალა ის და მეტად რელევანტური გახდეს. ნებისმიერი ტიპის ცვლილება სილაბუსში სწორედ ასეთი უნდა იყოს — შედეგზე ორიენტირებული და არა ფორმალური მოთხოვნაზე დამყარებული. ჩვენი პოზიცია სწავლების ხარისხის მუდმივ გაუმჯობესებაზე ზრუნვაა, რაც თავისთავად დინამიური პროცესია. სხვათაშორის, ცოტა ხნის წინ შედგა ძალიან საინტერესო შეხვედრა, სადაც თსუ — სან დიეგოს უნივერსიტეტის დეკანმა თქვა, რომ არ არსებობს წარმატება/წარუმატებლობა, როდესაც ლაპარაკია მუდმივ განვითარებაზე. ნებისმიერი ეტაპი არის განვითარების ეტაპი. ვიმეორებ, სილაბუსის ცვლილება არ უნდა იყოს ფორმალური ხასიათის, ის უნდა უზრუნველყოფდეს კონკრეტული სწავლის შედეგების მიღწევადობის მაღალ ხარისხს და ჩვენ, შესაბამისად, მაქსიმალურად ვეცდებით, ნებისმიერი ფორმალობა გამოვრიცხოთ. მთავარია, სტუდენტს მივცეთ ხარისხიანი განათლება და ეს შესაბამისად იყოს წარმოდგენილი დოკუმენტებშიც.

აქვე გეტყვით იმასაც, რომ ცალკეულ ფაკულტეტებზე ასეთი რამ გავაკეთეთ: თსუ ფაკულტეტების ხარისხის სამსახურის წარმომადგენლებმა ერთმანეთის პროგრამებს გადახედეს/შეამოწმეს და დაინახეს ის პრობლემები, რაც თითოეულ პროგრამაში არის. დღეს ევროპული და ამერიკული სამეცნიერო საზოგადოება დგას სწორედ კოლეგის შეფასებაზე და არასდროს — კრიტიკა. ჩვენ ამ კულტურის დამკვიდრება წამდვილად გვჭირდება — პოზიტიური შემთხვევების წინ წამოწვევითა და გამოწვევებზე რეაგირებით.

## ტსუ-ში ევროპის აკადემიის წარმომადგენლობა გაიხსნება



1-ლი გვ. 1-ლი გვ. 1-ლი გვ.

მემორანდუმის თანახმად, თბილისის სახელმწიფო უნივერსიტეტში გაიხსნება ევროპის აკადემიის რეგიონული ჰაბი, რომლის მიზანია კავკასიის რეგიონში მეცნიერებისა და კვლევის განვითარების ხელშეწყობა. ეს არის ევროპის აკადემიის პირველი ფილიალი, რომელიც ევროგაერთიანების არანევრ ქვეყანაში იხსნება. თბილისის სახელმწიფო უნივერსიტეტში აგრეთვე ამოქმედ-

დება ახალგაზრდა მეცნიერთა აკადემია, სადაც ახალგაზრდა მეცნიერებს შეეძლება ჩაერთონ საერთაშორისო კვლევით პროექტებში და მიიღონ საგრანტო დაფინანსება.

როგორც მხარეებმა აღნიშნეს, თბილისის სახელმწიფო უნივერსიტეტსა და ევროპის აკადემიას შორის თანამშრომლობა იქნება ნიშანი აკადემიური და სამეცნიერო საზოგადოებებისთვის — გააფართოვებს ევროპის აკადემიური საზოგადოების როლი ორმხრივი თანამშრომლობის ფარგლებში და განავითარებს ევროპული კვლევითი სივრცე.

„ხელი მოეწერა მემორანდუმს თბილისის სახელმწიფო უნივერსიტეტსა და ევროპის აკადემიას შორის, რომლის საფუძველზეც თბილისის სახელმწიფო უნივერსიტეტში გაიხსნება ევროპის აკადემიის რეგიონალური წარმომადგენლობა. ჰაბის ძირითადი მიმართულება იქნება ფუნდამენტური კვლევები და გამოყენებითი მეცნიერება. ეს არის უპრეცედენტო შემთხვევა, რადგან ევროპის აკადემიის ფილიალი პირველად იხსნება ევროგაერთიანების არანევრ ქვეყანაში, რაც სასიხარულო და საამაყოა ჩვენთვის“, — განაცხადა თსუ-ის რექტორმა გიორგი შარვაშიძემ. როგორც რექტორმა აღნიშნა, თსუ ასევე გახდება მეცნიერებისა და ტექნოლოგიების ევროპული თანამშრომლობის (Cost) წევრი.

ევროპის აკადემიის პრეზიდენტის ზირდ კლოტინეს თქმით, „დღეს ჩვენ ხელი მოვწერეთ „ცოდნის კერის“ ჩამოყალიბების საინიციატივო წერილს, რომელიც ემთხვევა თსუ-ის 100 წლის იუბილეს. ეს გახსნის თანამშრომლობის პერსპექტივებს მკვლევართა შორის მსოფლიოს სხვადასხვა ქვეყნიდან, მოგვცემს ბევრ აქტივობას, რომელიც გვასწავლის ახლო პარტნიორობას სხვადასხვა ორგანიზაციებთან. ეს ორგანიზაცია დგას ძლიერი საზოგადოების მხრებზე“.

მემორანდუმის ხელმოწერას ესწრებოდნენ ევროპის კვლევების საბჭოს ვიცე-პრეზიდენტი ევა კონდოროსი და ოქსფორდის უნივერსიტეტის პროფესორი ალექს ვებრაკი.



# თავდაცვის მინისტრმა რეზერვის ახალი, ანაზღაურებადი სისტემის დანერგვა დაანონსა

მეხვედრა სტუდენტებთან

თამარ ლალიანი

საქართველოს თავდაცვის მინისტრის უმთავრესია, რომ ომისა და კრიზისის შემთხვევაში ქვეყანაში მობილიზებული იყოს მთელი ეროვნული თავდაცვითი რესურსები. საქართველოს თავდაცვის სამინისტრომ და ქვეყნის შეიარაღებულმა ძალებმა უნდა უზრუნველყოს ტოტალური თავდაცვა, რა თქმა უნდა, საზოგადოების ფართო ჩართულობით. ამ შემთხვევაში დიდი მნიშვნელობა აქვს საზოგადოების ინფორმირებას. სამინისტროს საქმიანობის ერთ-ერთი პრიორიტეტია საზოგადოების მაქსიმალურად ინფორმირება საქართველოს დასავლური კურსისა და ქვეყნის უსაფრთხოების შესახებ.

უახლოეს პერიოდში საქართველოს თავდაცვის სამინისტროში ბევრი მნიშვნელოვანი რეფორმა განხორციელდა, რომელიც მიზნად ისახავდა შეიარაღებული ძალების ტრანსფორმაციისა და ბრძოლისუნარიანობის გაძლიერებას.

უწყებაში მიმდინარე რეფორმებზე სასაუბროდ საქართველოს თავდაცვის მინისტრი ლევან იზორია თბილისის სახელმწიფო უნივერსიტეტის სტუდენტებს ეწვია. ღონისძიება საქართველოს პირველი დემოკრატიული რესპუბლიკის 100 წლის საიუბილეო ღონისძიებების ფარგლებში გაიმართა.

4 მაისს თავდაცვის მინისტრმა ივანე ჯავახიშვილის სახელობის თბილისის სახელმწიფო უნივერსიტეტში თემაზე — „საქართველო თავდაცვისა და უსაფრთხოების თანამედროვე გამოწვევების პირისპირ“ ლექცია წაიკითხა.

უწყების ხელმძღვანელმა სტუდენტებს საქართველოს თავდაცვისუნარიანობის გაძლიერების მიზნით განხორციელებული და დაგეგმილი რეფორმები გააცნო. ლევან იზორიამ ვრცლად ისაუბრა ქვეყნის წინაშე არსებულ გამოწვევებზე, შეკავების პოლიტიკის მნიშვნელობაზე, ნატოს ინტეგრაციის პერსპექტივებსა და ტოტალურ თავდაცვაზე. თავდაცვის მინისტრმა შეხვედრაზე რეზერვის ახალი, ანაზღაურებადი სისტემის დანერგვა დაანონსა.

ღონისძიებას თსუ-ის რექტორი გიორგი შარვაშიძე, სტუდენტები და მონვეულები სტუმრები ესწრებოდნენ.

„სტუდენტებთან ასეთი შეხვედრები არის ურთიერთობის კარგი ფორმატი და ეს ტრადიცია სამომავლოდ აუცილებლად გაგრძელდება. კარგია, რომ სტუდენტებში ამის ინტერესი არსებობს. ქვეყნის პირველი პირების პირდაპირი კომუნიკაციის დამყარება სტუდენტებთან სწორი გზაა“, — განაცხადა თსუ-ის რექტორმა გიორგი შარვაშიძემ.

თავდაცვის მინისტრმა საუბრის დასაწყისში აღნიშნა, რომ ქვეყნის სტრატეგიული არჩევანი ნატოში გაწევრიანებაა და დეტალურად განმარტა, თუ როგორ აპირებს საქართველო მიზნის მისაღწევად, ნატოს წევრ და პარტნიორ ქვეყნებთან ერთად, გამოწვევებს გაუმკლავდეს. მინისტრი ნატოს არსებობის მანძილზე ორგანიზაციის წინაშე არსებულ ამოცანებსაც შეეხო და აღნიშნულ კონტექსტში ალიანსის „ღია კარის პოლიტიკაზე“, მეზობელი ქვეყნის მიერ რეგიონში განხორციელებულ და მოსალოდნელ საფრთხეებზე ისაუბრა.

„განსაკუთრებით მინდა ხაზი გავუსვა ჩვენს მისწრაფებას ნატოში გაწევრიანების მიმართულებით. საქართველო და თავდაცვის სამინისტრო პრინციპულად

მიისწრაფვის საქართველოს ჩრდილო-ატლანტიკური უსაფრთხოების სივრცეში დამკვიდრებისკენ. ჩვენ გაცნობიერებული გვაქვს, რომ ეს არის უალტერნატივო არჩევანი, როგორც ქვეყნის უსაფრთხოების, ასევე დემოკრატიული განვითარებისთვის.

საქართველოს თავდაცვის უნარიანობის გაძლიერებითა და შეიარაღებული ძალების წარმატებული ტრანსფორმაციით, საერთაშორისო პარტნიორებთან ურთიერთობების გაღრმავებითა და ქვეყნის თავდაცვისა და უსაფრთხოების საქმეში ყველა მოქალაქის ჩართულობით, ჩვენ შევძლებთ გავუმკლავდეთ არსებულ გამოწვევებს და გავხდეთ ჩრდილო-ატლანტიკური ალიანსის ღირსეული წევრი“, — განაცხადა ლევან იზორიამ, რომელმაც საინტერესოდ ისაუბრა საქართველოს, როგორც ნატოს პარტნიორი ქვეყნის, გამოწვევებზე, მის პერსპექტივებსა და სამოქმედო გეგმებზე.

ნატო თავის წევრ და პარტნიორ ქვეყნებს გარკვეულ სტრატეგიულ ამოცანებს უსახავს. მინისტრმა სტუდენტებს მოკლედ გააცნო ეს ამოცანები და მათი თანხედრა ქვეყნის თავდაცვის სტრატეგიასთან. „ქვეყნის მთავარი ამოცანაა მაღალი შესაძლებლობების მქონე ნატოსთან თავსებადი შეიარაღებული ძალების ჩამოყალიბება, რომლებიც შეძლებენ ნატოს წევრს მიერ სამხედრო ოპერაციაში მონაწილეობის მიღებას.

პირველი, რაც უნდა გავკეთდეს, ეს გახლავთ თავდაცვითი შესაძლებლობების გაძლიერება. ამ მიზნით, ჩვენ სტრუქტურაში მნიშვნელოვანი რეფორმების გატარება დავიწყებთ და ოპტიმიზაციისა და რეორგანიზაციის დროს გარკვეული მტკივნეული ნაბიჯების გადადგმა მოგვინია. აქედან მიღებული დანაზოგით ამერიკელ პარტნიორებთან ერთად ყველაზე ამბიციური პროგრამა — საქართველოს თავდაცვის მზადყოფნის პროგრამა დავიწყებთ“, — განაცხადა თავდაცვის მინისტრმა.

უწყების ხელმძღვანელი საერთაშორისო მისიებში ქართული სამხედრო კონტინენტის მონაწილეობასაც შეეხო და აღნიშნა, რომ საერთაშორისო ოპერაციებში ქართველი ჯარისკაცები პრაქტიკულ გამოცდილებას იღებენ, რაც პროფესიული არმიის ჩამოყალიბებას უწყობს ხელს.

„ჩვენი სამხედრო მოსამსახურეები პარტნიორებთან ერთად მონაწილეობას იღებენ საერთაშორისო მისიებში, რომელიც თანამედროვე ტერორიზმს ებრძვის. ჩვენ საამაყო პარტნიორები ვართ ნატოსთვის, რადგან ერთ-ერთ უდიდეს და ძლიერ კონტრიბუციას ვწვევით. ჩვენი სანდოობა არაერთხელ გააქვრებულა საერთაშორისო ასპარეზზე დიდი პოლიტიკოსების და სამხედრო მოღვაწეების მიერ. პატივისცემას გამოვხატავ ამ სამხედროების მიმართ, რადგან ისინი დიდ საპასუხისმგებლო საქმეს ეწევიან ჩვენი უსაფრთხოებისთვის, ქვეყნის კეთილდღეობისთვის. საერთაშორისო მისიებში მონაწილე ქართული სამხედრო კონტინენტის ასეთი მაღალი ნდობის ფაქტორები უპირველესად მათი თავდადებისა და პროფესიონალიზმის დამსახურებაა“, — განაცხადა ლევან იზორიამ.

თავდაცვის მინისტრმა შეხვედრაზე ყურადღება გაამახვილა აგრეთვე ლოგისტიკასა და კიბერუსაფრთხოებაზე.

უკანასკნელ წლებში კიბერშეტევების ხასიათი და გეოგრაფიული არეალი მნიშვნელოვნად იცვლება. კიბერუსაფრთ-



ხოების როლი სამხედრო ოპერაციების წარმოებისას აშკარად იზრდება, რის გამოც აქტუალური ხდება შეკითხვა: საკმარისია თუ არა ნატოს ძალისხმევა ამ სფეროში წარმატებული თავდაცვის უზრუნველსაყოფად და რა კეთდება საქართველოს თავდაცვის სისტემაში საფრთხის თავიდან ასაცილებლად?

„ეროვნული თავდაცვის სისტემა ლოგისტიკის და კიბერუსაფრთხოების სფეროებში მაქსიმალურად თანხედრაში უნდა იყოს ნატოს მიერ განსაზღვრულ ძირითად პრიორიტეტებთან. კიბერუსაფრთხოების გამოყენება პოლიტიკური, ეკონომიკური თუ სამხედრო მიზნების მისაღწევად, გეოპოლიტიკური უპირატესობის მოსაპოვებლად თანამედროვე მსოფლიოს რეალობაა. ამიტომ ჩვენ უნდა გავაძლიეროთ საქმიანობა ამ მიმართულებით და გავიზიაროთ სხვა ქვეყნების გამოცდილება“, — განაცხადა ლევან იზორიამ.

მან ვრცლად ისაუბრა აგრეთვე ქვეყნის წინაშე არსებულ გამოწვევებზე, შეკავების პოლიტიკის მნიშვნელობასა და ტოტალურ თავდაცვაზე.

მინისტრის განმარტებით, ტოტალური თავდაცვა მხოლოდ სამხედრო კომპონენტს არ მოიცავს და თავდაცვისუნარიანობის გაზრდის პროცესში მოქალაქეთა აქტიური ჩართულობა უმნიშვნელოვანესია.

ლევან იზორიამ ყურადღება რეზერვის სისტემის შექმნასა და შეიარაღებულ ძალებში წვევამდელთა განვითარებაზე გაამახვილა. „სწორედ ტოტალურ თავდაცვას ემსახურება წვევამდელთა და რეზერვის სისტემის ამოქმედებაც. საზოგადოებაში აზრთა სხვადასხვაობა გამოიწვია განახლებული სავალდებულო სამხედრო სამსახურის აღდგენა. როგორია სამინისტროს პოზიცია? რათა თავდაცვის უწყებამ შეძლოს სათანადო ზომების მიღება ეროვნული თავდაცვისა და უსაფრთხოების გამოწვევების საპასუხოდ, კრიტიკულად მნიშვნელოვანია შეიარაღებული ძალების ნატოსა და პარტნიორი ქვეყნების ძალებთან თავსებადი შესაძლებლობების განვითარება. სწორედ უცხოელ პარტნიორებთან და ექსპერტებთან სამთვლიანი აქტიური თანამშრომლობის შედეგად მივიღებთ აღნიშნული განწყობილებას. მნიშვნელოვანი ნოვაცია გახლავთ ის, რომ წვევამდელი გაიცვლის ისეთივე საბაზისო მომზადების კურსებს, როგორც საკონტრაქტო მოსამსახურე. მას ექნება განცდა, რომ არის სრულფასოვანი ჯარისკაცი. მისი ინდივიდუალური მომზადების დონე მოგვეცემს ჩვენი საბრძოლო დანაყოფების საბრძოლო მომზადების მაღალ ხარისხს. წვევამდელნი გაივლიან

აქტიურ თეორიულ და პრაქტიკულ მეცადინეობებს, რაც თვისობრივად განსხვავებული მიდგომა იქნება მანამდე არსებული სავალდებულო სამხედრო სამსახურის მოდელისგან. ყველა მოქალაქის ვალია ემსახუროს თავის სამშობლოს.

ჩვენ წელს დავიწყებთ რეზერვის ახალი სისტემის ჩამოყალიბება, რომელიც მალე ამოქმედდება. ვფიქრობთ, სტუდენტებზეც განვსაზღვროთ გარკვეული კვლევა... მათ შესაძლებლობა ექნებათ იმსახურონ შეიარაღებულ ძალებში და ხელფასიც აიღონ. მათ პარალელურ რეჟიმში ექნებათ საშუალება თან ისწავლონ და იმუშაონ“, — განაცხადა ლევან იზორიამ.

საქართველოს თავდაცვის მინისტრის შეხვედრა სტუდენტებთან კითხვა-პასუხით დასრულდა. სამინისტროში განხორციელებული რეფორმების, ქვეყნის წინაშე არსებული საფრთხეებისა და სამოქალაქო თავდაცვის შესახებ დასმულ კითხვებზე სტუდენტებმა მინისტრისგან ამომწურავი პასუხები მოისმინეს.

თავდაცვის მინისტრის ლევან იზორიას თქმით, სტუდენტებთან შეხვედრები მომავალშიც გაგრძელდება. „თბილისის სახელმწიფო უნივერსიტეტის სტუდენტებთან გვექნება შესაძლებლობა — გვესაუბრა თავდაცვის უწყებაში მიმდინარე რეფორმებზე, განსაკუთრებით, ნატოში ინტეგრაციის პერსპექტივებზე. ძალიან საინტერესო კითხვები დაისვა წვევამდელთა სისტემაზე, განსაკუთრებული ინტერესის საგანს წარმოადგენდა ჩვენ მიერ საზოგადოებისთვის შეთავაზებული ტოტალური თავდაცვის ახალი კონცეფცია, სადაც საგანმანათლებლო კომპონენტს განსაკუთრებული მნიშვნელობა ენიჭება. სწორედ ამ კონტექსტში ვაქტიურებთ სტუდენტებთან შეხვედრებს. მოხარული ვარ, რომ პირველი შეხვედრა სწორედ თბილისის სახელმწიფო უნივერსიტეტში გაიმართა. სტუდენტების ინტერესმა და აქტიურობამ გადაგვანყვებინა, რომ ეს დისკუსიები სხვა უნივერსიტეტებში გაგვგრძელოთ“, — აღნიშნა ლევან იზორიამ.

ლექციის დასრულების შემდეგ სტუდენტებმა რეგისტრაცია გაიარეს 10 მაისს კოჯორ-ტაბახმელაში დაგეგმილ ლაშქრობაში მონაწილეობის მისაღებად. ჩვენი სტუდენტები ეროვნული თავდაცვის აკადემიის კადეტთა ლიცეუმის სტუდენტებთან ერთად ტერიტორიაზე არსებულ სანგრებებს დაათვალიერებენ. ისტორიკოსები და სამხედროები მათ სპეციალურ მაკეტს წარუდგენენ და 1921 წელს თბილისის შემოგარენში გამართული ბრძოლების ისტორიას დეტალურად გააცნობენ.





ახალი წიგნი თაროზე


„ივანე ჯავახიშვილი ქართული უნივერსიტეტისთვის“

მაია ბორაძე

თბილისის სახელმწიფო უნივერსიტეტის გამომცემლობამ სულ ცოტა ხნის წინ გამოსცა წიგნი — „ივანე ჯავახიშვილი ქართული უნივერსიტეტისთვის“...

დართვა, რაც თვალსაჩინო გახდა მეცნიერის შემოქმედებით ლაბორატორიას.

კრებულში შესულია 8 დანართი: მოხსენებათა ფრაგმენტები, დებულებები, უნივერსიტეტის დაარსების ღონისძიებები, წერილები, მიმართვები, „საანკეტო ფურცელი ქართველ სტუდენტობის ყოფა-ცხოვრების გამოსარკვევად“...



ვია. ცხადია, ამ წიგნის ნაკითხვა ყველას არ შეუძლია. თავად ადამიანი უნდა იყოს მზად, რომ გაიგოს, რაზე საუბრობს ივანე ჯავახიშვილი და რისი გაკეთება სურს მას. ბატონ ივანეს, ერთი წლის განმავლობაში, ფაქტობრივად, სხვა არაფერი გაუკეთებია გარდა იმისა, რომ ქართულ საზოგადოებას უსაბუთებდა ქართული უნივერსიტეტის გახსნის აუცილებლობას.

კრებულის გარკვენი ეკუთვნის ნინო ებრაღიძეს. წიგნი გამოცემულია თსუ-ის საუნივერსიტეტო საგამომცემლო საბჭოს გადაწყვეტილებით.

პრეზენტაციაზე თსუ-ის სოციალურ და პოლიტიკურ მეცნიერებათა ფაკულტეტის დეკანმა თამარ დოლიძემ აღნიშნა, რომ 2018 წელი უნივერსიტეტის საიუბილეო წელია და ამ მნიშვნელოვანი თარიღის აღსანიშნად მთელი წლის განმავლობაში სხვადასხვა სახის ღონისძიებები იმართება. მან ღირებული მოვლენა უწოდა კრებულის გამოსვლას, რადგან მასში პირველად დაკომპლექტდა დალაგებული და წარმოჩენილი უნივერსიტეტის გარშემო 100 წლის წინ მიმდინარე მოვლენები. „მინდა გამოვყო, პოლიტიკის მეცნიერების მიმართულება და კონკრეტულად მისი ხელმძღვანელი, პროფესორი მალხაზ მაცაბერიძე, რომელიც იკვლევს ივანე ჯავახიშვილის მემკვიდრეობას პოლიტიკურ, ისტორიულ თუ სხვა კონტექსტში. გამოვქვამ ამ კრებულს, რომელიც თავმოყრილია მნიშვნელოვანი დოკუმენტები და შეკრებილია ის მასალა, რომელიც საფუძვლად დაედო უნივერსიტეტის შექმნას, სწორედ მისი რედაქტორობით მოხერხდა და, ვფიქრობ, მეტად მნიშვნელოვანი და საჭირო საქმე გაკეთდა. არ შემიძლია არ მოვიხმო ფრაგმენტი ივანე ჯავახიშვილის მოხსენებიდან, რომელშიც იგი წერს, რომ „ქართული უნივერსიტეტი, ერთსა და იმავე დროს, სამეცნიერო კვლევა-ძიების და ცდის დაწესებულებაც უნდა იყოს და უმაღლესი სამეცნიერო სასწავლებელიც, სადაც მეცნიერების შესწავლა, სამეცნიერო მუშაობის მეთოდებისა და პრაქტიკის შეთვისება შესაძლებელი იქნება“.

კრებულის რედაქტორმა მალხაზ მაცაბერიძემ დალოცა გადაუხადა ყველა იმ ადამიანს, ვინც მონაწილეობა მიიღო დოკუმენტების გამოცემაში. მან მოკლედ ისაუბრა იმ ისტორიულ პერიოდებზე, რომელიც წინ უძღოდა უნივერსიტეტის დაარსებას. „ივანე ჯავახიშვილის მემკვიდრეობიდან, რომელიც ამ წიგნში შევიდა, დიდი ნაწილი ცნობილი იყო, მაგრამ ერთად თავმოყრილი ეს დოკუმენტაცია არ გამოქვეყნებულა და მკითხველისთვის ძალზედ შთაბეჭდა-

ბა“. მან დაიმონმა შოთა რუსთაველის პოემა და ამ სიტყვის მეშვეობით შექმნა ფილოსოფიური ფაკულტეტის ადეკვატური ტერმინი“, — თქვა დავით სართანიამ.

მან ასევე გამოკვეთა პროფესორის შერჩევის პრინციპები და პირველი ხარჯთაღრიცხვის დოკუმენტები. აქვე აღნიშნა, რომ სულ რაღაც 8 წელიწადში ივანე ჯავახიშვილს 150 წელი შეუსრულდება, რისთვისაც უნივერსიტეტმა აქედანვე უნდა დაიწყო სამზადისი: „ივანე ჯავახიშვილის მეტი ყურადღება უნდა მიექცეოდ. ჩვენ უნდა შევკრიბოთ მასალები, რომლებიც სხვადასხვა არქივშია გაბნეული და იმ მკითხველამდე მივიტანოთ, ვისაც აინტერესებს — ეს არის ძალიან ბევრი ისტორიული დოკუმენტი და შრომატევადი საქმე. ხელნაწერთა ეროვნულ ცენტრში, პირადად ივანე ჯავახიშვილის არქივში, 120 000-ზე მეტი ფურცელი ინახება. ამას რომ დავამატოთ ცალკე გამოყოფილი ფონდი, იქაც საკმაოდ ბევრი საბუთია შესასწავლი და გამოსამუშევრებელი. ასევე, არის კორნელი კეკელიძის არქივი, აკაკი შანიძის არქივი და უამრავი სხვა არქივი, სადაც შეგვიძლია მოვებნოთ ისეთი დოკუმენტი, წერილი ან მიმართვა, რომელიც ჯერ არ ვიცით. ამ საქმეს სჭირდება თაოსნობა და უნივერსიტეტის მხრიდან ხელშეწყობა. ვფიქრობ, უნდა შედგეს სამუშაო გეგმა, რომელიც ამას თავის თავზე აიღებს. ივანე ჯავახიშვილის დაბადებიდან 150 წელს ქართული საზოგადოება და, პირველ რიგში, უნივერსიტეტი უნდა შევხედოს სულ სხვა ვითარებაში — ჩემი აზრით, ეს უნდა იყოს ივანე ჯავახიშვილის მემკვიდრეობის სრული აკადემიური გამოცემა. აქამდე გამოცემულია მხოლოდ 12-ტომეული და ისიც — ხარვეზებით. არადა, თუ კარგად შევისწავლით, ივანე ჯავახიშვილის მემკვიდრეობა 30 ტომზე მეტი შეიძლება გამოვიტყოს“, — განაცხადა დავით სართანიამ.



მალხაზ მაცაბერიძე

ბაში. როდესაც ემიგრაციაში საქართველოს დამოუკიდებლობის გამოცხადებიდან 50 წელი აღინიშნა, ასეთი პოსტულატი წარმოადგინა ლევან ზურაბიშვილმა, რომელიც იმ დროს პარიზის ქართულ სათვისტომოს ხელმძღვანელობდა (ცნობილი ქართველი მოღვაწის ივანე ზურაბიშვილის ვაჟი, ნიკო ნიკოლაძის შთამომავალი): „1917 წლის 25 მარტს საქართველოში აღდგა ქართული ეკლესიის ავტოკეფალია, ეს იყო სრული სუვერენიტეტი; 1918 წლის 28 იანვარს (ახლით 8 თებერვალს) გაიხსნა პირველი ქართული უნივერსიტეტი; ხოლო 1918 წლის 26 მაისს გამოცხადდა პოლიტიკური თავისუფლება. ეს სამი უმნიშვნელოვანესი თარიღი იყო ფუძე, საძირკველი ქართული სახელმწიფოს ძლიერებისა და, რაც მთავარია, ეს იყო ქართველი ერის საუკუნეების ნატურის ახდენა“.

„ამავე საკითხზე ისაუბრა ჰუმანიტარულ მეცნიერებათა ფაკულტეტის ასოცირებული პროფესორმა მერაბ ჩუხუამ, რომელმაც კრებული დროულ და საჭირო გამოცემად შეაფასა და აღნიშნა, რომ სავალალოა, როცა ქართული მეცნიერების და, შეიძლება ითქვას, ქართული სახელმწიფოებრიობის მესაძირკვლის, ივანე ჯავახიშვილის მემკვიდრეობა სრულყოფილი სახით აქამდე არ გამოცემულა. „ვფიქრობ, დღეიდანვე უნდა დაიწყო ზრუნვა ყველა მიმართულებამ, რომელშიც წვლილი შეიტანა ივანე ჯავახიშვილმა, როგორც მოღვაწემ და მეცნიერმა — იქნებოდა ესენი ისტორიკოსები, იურისტები, ეკონომისტები, ლინგვისტები თუ სხვა. მეცნიერები უნდა გაერთიანდნენ ერთ დიდ მუშა ჯგუფად, არა იმ ტიტულების მიხედვით, თუ ვის რა წოდება აქვს, არამედ იმის მიხედვით, ვის რისი გაკეთება შეუძლია. მეცნიერებაში ტიტული არაფერს ნიშნავს — საქმეს აკეთებენ პროფესიონალები და ის ადამიანები, რომლებისთვისაც ეს საქმე არ იქნება კიდევ ერთი, ზედმეტი დაკისრებული მოვალეობა. დღესვე დავიწყოთ მზადება 2026 წლისთვის“, — აღნიშნა მერაბ ჩუხუამ.


კრებულის გამოსვლას მიესალმა თბილისის სახელმწიფო უნივერსიტეტის კანცლერი ნუნუ ოვსიანიკოვა, რომელმაც მზადყოფნა გამოთქვა, მხარი დაუჭიროს ივანე ჯავახიშვილის 150 წლისთავისთვის მისი მემკვიდრეობის ვრცლად გამოცემის ინიციატივას.





# 306 გახდა პროფესორ ესტატი ხმალიძის სახელობის სტიპენდიის სტიპენდიები

**წ**ელს უკვე მეათედ გამოცხადდა კონკურსი ესტატი ხმალიძის სტიპენდიის მოსაპოვებლად. კომისიას ისევ გაუჭირდა გადაწყვეტილების მიღება მათემატიკისა და ფიზიკის მიმართულების მაგისტრატურის აშკარად გამოკვეთილ და ღირსეულ წარმომადგენლებს (კერძოდ, დავით ადამაძესა და ირაკლი ჯოხაძეს) შორის ცალსახად საუკეთესოს გამოვლენის პროცესში (რაც ნაწილობრივ აიხსნება ამ მიმართულებების სპეციფიკითაც). საბოლოოდ, კომისიამ ხმალიძის უმრავლესობით, პროფესორ ესტატი ხმალიძის სტიპენდია მიაკუთვნა ფიზიკის მიმართულების მაგისტრანტს, ირაკლი ჯოხაძეს (სამეცნიერო ხელმძღვანელები: პროფ. ნანა შათაშვილი და ალექსანდრე თევზაძე).




ესტატი ხმალიძე

(ფუნქციონალურ) ანალიზში და გ) თეორიულ ფიზიკაში. სტიპენდია ეძლევა განსაკუთრებული ნიჭის მქონე და ბეჯით სტუდენტს. მაღალი აკადემიური მოსწრება აუცილებელი წინაპირობაა, მაგრამ არ არის ერთადერთი გადაწყვეტი ფაქტორი. სასურველია, რომ სტიპენდიატი იყოს მიზანსწრაფული და მოტივირებული პიროვნება. აუცილებელია, რომ სტიპენდიატი იყოს ზოგადად განათლებული პიროვნება, დაინტერესებული ქართული და მსოფლიო ლიტერატურით და ხელოვნებით. თსუ-ის ფიზიკის ფაკულტეტის წარმატებით დამთავრების შემდეგ, ბატონი ესტატი ხმალიძე სხვადასხვა პერიოდში მუშაობდა მსოფლიოს მრავალ ალიარებულ სამეცნიერო და საგანმანათლებლო ცენტრებში, თუმცა არასოდეს გაუწყვეტია კავშირი თავის მშობლიურ უნივერსიტეტთან. პროფ. ე. ხმალიძე მსოფლიოში ალიარებული მეცნიერია: ის არის

საზოგადოების და იგი ძალიან იმედოვნებს, რომ მისი უპირატესობა (his excellence) აღნიშნული იქნება ამ პრემიით. ივანე ჯავახიშვილის სახელობის თბილისის სახელმწიფო უნივერსიტეტის სამეცნიერო პოტენციალის წარმოჩენაში საზღვარგარეთ, უნივერსიტეტებს შორის სამეცნიერო-კვლევითი საქმიანობის ხელშეწყობასა და ახალგაზრდების სამეცნიერო-პრაქტიკული უნარჩვევების განვითარებისათვის პროფესორი ესტატი ხმალიძე 2015 წელს დაჯილდოვდა ივანე ჯავახიშვილის მედლით. იგი არის საქართველოს მეცნიერებათა ეროვნული აკადემიის უცხოელი წევრი 2016 წლიდან. მოყოლებული 2008 წლიდან ყოველწლიურად ტარდებოდა შესარჩევი კონკურსი (ამჟამად, საკონკურსო კომისიის ხელმძღვანელობს საქართველოს მეცნიერებათა ეროვნული აკადემიის წევრკორესპონდენტი, პროფესორი ელიზბარ ნადარაია) და ვლინდებოდა

გამარჯვებული სტუდენტი. რამდენჯერმე კომისია იძულებული იყო სტიპენდია გაეცა ორ საუკეთესო სტუდენტზე და შესაბამის თანხას უყოყმანოდ და დიდი სიამოვნებით გაცემდა ბატონი ესტატი ხმალიძე თავისი დანაზოგებიდან. აარსებდა რა სტიპენდიას, პროფესორ ესტატი ხმალიძის ერთ-ერთი მოტივი (რა თქმა უნდა, სტუდენტის ნიჭისა და შრომისმოყვარეობის აღიარებასთან და მათერიალურ ნახაზისებთან ერთად) ისიც იყო, რომ ასეთი ფაქტი გამხდარიყო გადამდები და სხვებსაც (მათ შორის გამარჯვებულებსაც) მომავალში გასჩენოდათ ანალოგიური ქველმოქმედების სურვილი, რაც უდავოდ წაადგება ახალგაზრდების შემობრუნების პროცესს განათლებისა და მეცნიერებისკენ.

**ოზარ ფურთუხია,**  
თსუ-ის მათემატიკის  
დეპარტამენტის  
ხელმძღვანელი



რამაზ ხომერიკი, ირაკლი ჯოხაძე (ე. ხმალიძის სტიპენდიანი), ელიზბარ ნადარაია, ნანა შათაშვილი

ახალი ზელანდიის, ველინგტონის ვიქტორიას უნივერსიტეტის მეთემატიკურ და კომპიუტერულ მეცნიერებათა დეპარტამენტის ხელმძღვანელმა, პროფესორმა ესტატი ხმალიძემ 2007 წელს დააარსა თავისივე სახელობის სტიპენდია ივანე ჯავახიშვილის სახელობის თბილისის სახელმწიფო უნივერსიტეტის მაგისტრანტებისთვის. სტიპენდია გამიზნულია თსუ-ის მაგისტრატურის სტუდენტებისათვის, რომლებიც სპეციალიზდებიან: ა) ალბათობის თეორიასა და მათემატიკურ სტატისტიკაში, ბ) ფართოდ გაგებულ წრფივ

## თბილისის და სან დიეგოს სახელმწიფო უნივერსიტეტები აშშ-ს სტანდარტების ახრადიბაციისთვის ერთობლივ მუშაობას აზრებენ

ლიანა მარქარიანი

**თ**ბილისის სახელმწიფო უნივერსიტეტის ბაზაზე აშშ-ს ქიმიკოსთა ასოციაციის დაფუძნება იგეგმება. ეს არის უმაღლესი დონის სააკრედიტაციო სააგენტო, რომელიც აშშ-ს სტანდარტების აკრედიტაციას მიანიჭებს იმ უნივერსიტეტებს, რომელთაც ქიმიის მიმართულება აქვთ. სწორედ ამ პროცესის მოსამზადებელი შეხვედრა გაიმართა თბილისის სახელმწიფო უნივერსიტეტში 3 მაისს.



პრინციპები და პროგრამული აკრედიტაციის პირობები. მან ასევე ისაუბრა იმ პრივილეგიების შესახებ, რომლებიც სტუდენტებს ექნებათ აშშ-ს სტანდარტების აკრედიტაციის შემდეგ. პრეზენტაციაზე წარდგენილი იყო ტესტირების ნიმუში. ზუსტ და საბუნებისმეტყველო მეცნიერებათა ფაკულტეტის დეკანის რამაზ ხომერიკის აზრით, ამ პროცესისთვის თბილისის სახელმწიფო უნივერსიტეტი უნდა მოემზადოს. „თბილისის სახელმწიფო უნივერსიტეტში მუშაობს პროგრამა, რომლის ოპერირებასაც ახორციელებს სან-დიეგოს უნივერსიტეტი კალიფორნიაში. ფაქტობრივად, აქ ისინი აკეთებენ ყველაფერს. ესაა პროფესორების დაქირავება, ადმინისტრაციული მოვალეობები და სხვა. ახლა იწყება ის ეტაპი, როდესაც ეს პროგრამები ჩვენ უნდა გადმოვგაბარონ. პრობლემა ისაა, რომ ამერიკის ქიმიის საზოგადოების სერტიფიცირება ჩვენს პროგრამებზე ავტომატურად არ გადმოვა, ამისთვის უნდა გავიაროთ რამდენიმე ეტაპი“, — განაცხადა რამაზ ხომერიკმა.

საქართველოში სან დიეგოს უნივერსიტეტის დეკანის ჰალილ გუვენის აზრით, ეს შეხვედრა ორივე მხარისთვის ძალიან მნიშვნელოვანი იყო: „ჩვენ გვსურს, რომ საქართველოს ეკონომიკური მდგომარეობა გავაუმჯობესოთ. დღეს საქართველოში აქტიურია მხოლოდ სოფლის მეურნეობა და ტურიზმი. ჩვენი მიზანია კი არის, რომ შემოვიტანოთ ბიოტექნოლოგიები და ახალი მიმართულებები, რომლებიც ნოვაციური და საკმაოდ კრეატიული იქნება. ეს ყველაფერი მოგვეცემს ახალ საშუალო ადგილებს. ამ ეტაპზე თბილისის სახელმწიფო უნივერსიტეტი მიიღებს საერთაშორისო სერტიფიკატს ბიოქიმიის პროგრამისთვის, რაც უფრო მეტ სტუდენტს მოიზიდავს“, — აღნიშნა მან.

აშშ-ს სტანდარტების აკრედიტაციის დადებითად აფასებს აკადემიკოსი ბუჟან ჭანკვეტაძე, რომელსაც მიაჩნია, რომ ამ პროცესს აუცილებლად მოჰყვება სერიოზული ცვლილებები და ქიმიის სწავლების დონის ამაღლება: „ძალიან საინტერესო და სასარგებლო შეხვედრა იყო. განსაკუთრებით ნიშანდობლივია ის მომენტი, რომ ამერიკული მხარე საკითხს სვამს არა მხოლოდ სან-დიეგოს ქიმიის და ბიოქიმიის თბილისში მოქმედი პროგრამის, არამედ თსუ-ის ქიმიის პროგრამის აკრედიტაციის შესახებაც. თავისთავად აკრედიტაციის მიღება ჩვენი მხრიდან სერიოზული სამუშაოს ჩატარებას და სწავლების დონის ამაღლებასაც ნიშნავს, მაგრამ არის ერთი გასათვალისწინებელი რამ — 2023-2024 წლებში კურსდამთავრებულს ალარ ექნება სან დიეგოს სახელმწიფო უნივერსიტეტის დიპლომი, რადგან ამავე პროგრამის აკრედიტაციის შემდეგ ის მხოლოდ თსუ-ის დიპლომს მიიღებს, რაც პროგრამას დააზარალებს და მიმზიდველობას დაკარგავს უცხოური ქვეყნების სტუდენტებისთვის“, — აღნიშნა ბუჟან ჭანკვეტაძემ.

თბილისის და სან დიეგოს სახელმწიფო უნივერსიტეტები აშშ-ს სტანდარტების აკრედიტაციისთვის ერთობლივ მუშაობას აგრძელებენ.

ლიანა მარქარიანი





# თანამედროვე რუსთალოლოგიური ხელშეწყობით ქობინიბრეზული „ვეფხისტყაოსანი“

შარტისა ბაროშვილი

**„**ამ პოემის ყველა მკითხველს და, მით უფრო, ყველა მკვლევარს თავისი „ვეფხისტყაოსანი“ აქვს, რაც დიდი მხატვრული ქმნილების სპეციფიკაა“, — ეს სიტყვები თსუ-ის პროფესორს ელგუჯა ხინთიბიძეს ეკუთვნის, რომლის ხელმძღვანელობით თბილისის სახელმწიფო უნივერსიტეტში უკანასკნელ ათწლეულებში ქართველოლოგიური კვლევების მიმართული მრავალი მნიშვნელოვანი პროექტი განხორციელდა, მათ შორის, „თანამედროვე რუსთალოლოგიური კვლევებით კომენტირებული ვეფხისტყაოსანი“, რომელიც შოთა რუსთაველის ეროვნულმა სამეცნიერო ფონდმა 2015 წელს დააფინანსა. სამწლიანი კვლევის შედეგად მომზადებული მონოგრაფიის პრეზენტაცია 30 აპრილს თბილისის სახელმწიფო უნივერსიტეტში გაიმართა, სადაც მონაგრავის ავტორმა და პროექტის ხელმძღვანელმა ელგუჯა ხინთიბიძემ, თსუ-ის პროფესორებმა დარეჯან თვალთვალი და ზაზა ხინთიბიძემ ახალი კვლევის მნიშვნელობაზე ისაუბრეს. პრეზენტაცია ცნობილ ქართველ მეცნიერსა და ქართველოლოგს კორნელი კეკელიძის დაბადების დღეს მიეძღვნა.

ამ კუთხით, ასევე, აღსანიშნავია XX საუკუნეში ქართველი სწავლული უფლისწულის თეიმურაზ ბაგრატიონის „განმარტება პოემა ვეფხისტყაოსნისა“, რომელშიც ძირითადად პოემის ლექსიკა განხილული.

რუსთალოლოგიური კვლევების თვალსაზრისით მნიშვნელოვანია XIX საუკუნის ბოლო და XX საუკუნის დასაწყისი, რადგან ეს პერიოდი პოემის გამოცემის სიმრავლით გამოირჩევა. 1867 წლიდან 1899 წლის ჩათვლით „ვეფხისტყაოსანი“ 11-ჯერ დაიბეჭდა. ამ პერიოდში დაბეჭდილი თითქმის ყველა გამოცემა ახლავს ლექსიკონი, რომელიც, ძირითადად, პოემისეული ლექსიკის ახსნას ეძღვნება და დიდწილად თეიმურაზ ბაგრატიონის „განმარტებას“ ეფუძნება. რუსთალოლოგიური ნაშრომების სიმრავლით გამოირჩევა XX საუკუნის პირველი ნახევარიც, როცა „ვეფხისტყაოსანი“ მრავალ ენაზე ითარგმნა. მონოგრაფიაში, ასევე, ვრცლად არის საუბარი XX საუკუნის მე-2 ნახევარში რუსთალოლოგიაში განხორციელებულ მნიშვნელოვან კვლევებზე. 1962 წელს „ვეფხისტყაოსნის“ აკადემიური ტექსტის დამდგენი კომისია შეიქმნა, რომელმაც განსაკუთრებით შეუწყო ხელი რუსთალოლოგიური კვლევებით დაინტერესებულს, მათ შორის, პოემის ტექსტის განმარტება-კომენტირებას. 1966 წელს გამოიცა პოემის ახალი საიუბილეო გამოცემა, შეიქმნა ახალი თარგმანები და გამოქვეყნდა არაერთი მნიშვნელოვანი რუსთალოლოგიური ნაშრომი. 70-იან წლებში კორნელი კეკელიძის, აკაკი შანიძის, შალვა ნუცუბიძის, ალექსანდრე ბარამიძის, გიორგი წერეთლის, სარგის ცაიშვილის, ზვიად გამსახურდიას, ნოდარ ნათაძის და სხვათა რუსთალოლოგიური შრომების გამოქვეყნებამ მრავალმხრივ გაამდიდრა მეცნიერება რუსთალოლოგია და მისი პოემის შესახებ. ამ პერიოდში პოემის კომენტირება სხვადასხვა რელიგიურ, იდეოლოგიურ თუ ფილოსოფიურ საფუძველზე იყო დამყარებული და ხშირად ანგარიშს უწევდა XX საუკუნის ქართული საზოგადოებრივი აზრის ცვალებად იდეოლოგიურ პოზიციებსაც. მათში ნაკლებად იყო გათვალისწინებული ლიტერატურული და რელიგიურ-ფილოსოფიური აზრის განვითარების ის კონკრეტული ეტაპი, როდესაც რუსთალოლოგიაში იქმნებოდა.



თავის მხრივ, ამ გაზრდებებს ემყარებოდა პოემის უცხოენოვანი თარგმანებიც. „ვეფხისტყაოსნის“ ტექსტის (XX საუკუნის მე-2 ნახევრიდან) დღემდე არსებული თანმიმდევრული განმარტებები ძირითადად შემოიფარგლება ლექსიკისა და ფრაზეოლოგიის თანმიმდევრული განმარტებით.

როგორც დარეჯან თვალთვალიმ პრეზენტაციაზე აღნიშნა, ახალი პროექტის — „თანამედროვე რუსთალოლოგიური კვლევებით კომენტირებული ვეფხისტყაოსანი“ — მთავარი მიზანი იყო სრული ტექსტის თანმიმდევრული მეცნიერული კომენტირება, რომელიც ფილოსოფიური მეცნიერების თანამედროვე მეთოდოლოგიას და რუსთალოლოგიური მეცნიერების უახლეს მიღწევებს ეფუძნება. ასევე საჭირო გახდა ქართველოლოგიური სამეცნიერო ნრეებისა და საზღვარგარეთელი მთარგმნელებისა თუ ქართველოლოგებისათვის ახალი თეორიული საფუძვლის შექმნა რუსთალოლოგიაში პოემის თანამედროვე მეცნიერულ დონეზე გასაზრდებლად.

თანამედროვე რუსთალოლოგიური კვლევების ერთ-ერთ უმნიშვნელოვანეს პრობლემად საუბრისას საზი გაეცა იმ გარემოებას, რომ თანამედროვე რუსთალოლოგიური კვლევების ერთ-ერთი მთავარი პრობლემაა რუსთალოლოგის ადგილის განსაზღვრა ქრისტიანული და ევროპული საზოგადოებრივ-ლიტერატურული აზრის პროცესში.

„აღნიშნული მოსაზრების ჩამოყალიბება დაკავშირებულია იმ მეცნიერულ კვლევებთან, რომელიც თბილისის სახელმწიფო უნივერსიტეტში უკანასკნელ ათწლეულებში მიმდინარეობს თსუ-ის პროფესორის, ცნობილი რუსთალოლოგის ელგუჯა ხინთიბიძის მიერ. მათში ახლ-

ბურადაა განმარტებული რუსთალოლოგის პოემის მრავალი პასაჟი, მხატვრული სახე, ფილოსოფიური ტერმინი, ლექსიკური ერთეული, ავტორის უმნიშვნელოვანესი იდეურ-თემატური კონცეფციები. სწორედ ამ კვლევების ფარგლებში ჩამოყალიბდა ახალი მეთოდოლოგია და გამოვლინდა ახალი ფაქტები, რომლებიც ცხადყოფენ პოემის პარალელურ და მიმართებულ მსოფლიო ლიტერატურისა და ფილოსოფიურ-თეოლოგიური წყაროებისადმი, ასევე, მიმართებებს ქართულ პატრისტიკულ ლიტერატურასთან. ელგუჯა ხინთიბიძის მეცნიერული კვლევები ანტიკური ფილოსოფიის, ქრისტიანული პატრისტიკის, ევროპული მხატვრული ლიტერატურის ტიპოლოგიური მიმართებების, X-XV საუკუნეების სქოლასტიკისა და ასტროლოგიური თეორიების საფუძველზე ახლებურად განმარტავს „ვეფხისტყაოსნის“ მხატვრულ სახეებს, თეოლოგიურ-ფილოსოფიურ ცნებებს, ცალკეულ ფრაზეოლოგიურ გამოთქმებს თუ დებულებებს. რუსთალოლოგის პოემის მრავალი გამოცემიდან კომენტირებისთვის შეირჩა აკაკი შანიძისა და ალექსანდრე ბარამიძის მიერ 1966 წელს გამოცემული ტექსტი (შოთა რუსთალოლოგიური კვლევების მიხედვით, „ვეფხისტყაოსნის“ ტექსტი და ვარიანტები (ა. შანიძის და ა. ბარამიძის რედაქციით). თბ., 1966 წ.), რადგან მასში ძირითადი ხელნაწერების ვარიანტული ნაკითხვები არის გამოქვეყნებული. ნაშრომი, რომელიც პროექტის ფარგლებში შეიქმნა, ძირითადად აკადემიკოს ელგუჯა ხინთიბიძის კვლევებს და მის მეთოდოლოგიას დაეფუძნა, თუმცა შექმნილია პროექტის ძირითად შემსრულებელთა თანამონაწილეობით და დამხმარე პერსონალის აქტიური

მხარდაჭერით. მასში წარმოდგენილია ავტორთა არგუმენტირებული თვალსაზრისი ცალკეულ სტროფზე, პასაჟზე ან მონაკვეთზე. ამავე დროს, იქვე მითითებულია ამ საკითხზე არსებული სხვა მეცნიერთა მნიშვნელოვანი და განსხვავებული თვალსაზრისებიც“, — განაცხადა დარეჯან თვალთვალიმ. მისივე ინფორმაციით, პროექტის ფარგლებში დაგეგმილია „ვეფხისტყაოსნის“ მეცნიერული კომენტარის ინგლისური ვარიანტის შექმნა და მისი ელექტრონული და ბეჭდური სახით პუბლიკაცია, ასევე პოემის ტექსტის თანმიმდევრული კომენტარების ბეჭდური და ელექტრონული გამოცემა, რომელიც განკუთვნილი იქნება, უპირატესად, ზოგადსაგანმანათლებლო სკოლებისა და უნივერსიტეტებისთვის.

როგორც პრეზენტაციაზე პროექტის ხელმძღვანელმა პროფესორმა ელგუჯა ხინთიბიძემ აღნიშნა, თანამედროვე რუსთალოლოგიური კვლევებით კომენტირებული „ვეფხისტყაოსანი“ სრულიად განსხვავებულია იმ თვალსაზრისით, რომ მასში აქცენტები მეცნიერულ კომენტარებზეა გადატანილი.

„მრავალი გამოცემა ვიცით, რომელსაც თან ახლავს ლექსიკონები და კომენტარები, მაგრამ ჩვენ სხვა გზით წავედით. ამ კვლევას დიდი მნიშვნელობა აქვს, რადგან „ვეფხისტყაოსანი“ მსოფლიო ლიტერატურის შედევრად ითვლება. იგი ფართოდ გავიდა ლიტერატურულ ასპარეზზე. თანამედროვე ეპოქაში, განსაკუთრებით უკანასკნელ ათწლეულში კიდევ უფრო მეტი ინტერესია ამ ნაწარმოების მიმართ, რომელიც წინარეწესანსული ეპოქის შედევრად არის მიჩნეული. ამიტომ საჭიროა, რომ ტექსტი მეცნიერულად იყოს განმარტებული როგორც ქართველი, ისე უცხოელი მკითხველისათვის. ხშირად, როდესაც „ვეფხისტყაოსანს“ თარგმნიან, არ ითვალისწინებენ იმ ქვეტექსტებს, რომელიც პოემაშია, ამიტომ, ამ კუთხით, ჯერ კიდევ ბევრი რამ არის შესასწავლი. თანამედროვე თარგმანები უთოვდ საჭიროებენ სერიოზულ მეცნიერულ კომენტარებს. მნიშვნელოვანია ისიც, რომ ჩვენმა განათლებულმა საზოგადოებამ „ვეფხისტყაოსანზე“ იმდენი მეცნიერული პოზიციებიდან — სწორედ ამ მიზნით განხორციელდა ეს პროექტი“, — აღნიშნა ელგუჯა ხინთიბიძემ.

# ქართველთა თვითცნობიერება: ისტორიული ასპექტები (XVIII საუკუნე)

აია ბორაძე


26 აპრილს უნივერსიტეტში თსუ-ის პუბლიკაციური მეცნიერებათა ფაკულტეტის დოქტორანტ ზურაბ თარგამაძის წინაშე — „ქართველთა თვითცნობიერება: ისტორიული ასპექტები (XVIII საუკუნე)“ — პრეზენტაცია გაიმართა. წიგნი გამოიცა შოთა რუსთაველის ეროვნული სამეცნიერო ფონდის მიერ 2014 წლის დოქტორანტურის საგანმანათლებლო საგრანტო კონკურსით დაფინანსებული გრანტის (DO/351/1-10/14) ფარგლებში.

ნაშრომში თავმოყრილია ის მასალები, რომელიც დოქტორანტის მიერ სადისერტაციო კვლევის ფარგლებში იქნა დამუშავებული. ნაშრომის მიზანია ქართული იდენტობის ისტორიის საკითხების გაშუქება, უფრო კონკრეტულად კი, იმ ისტორიული



ასპექტების დადგენა და გამოკვეთა, რომლებმაც განსაზღვრა ძირითადი მომენტები ქართული ერთობის თვითცნობიერების ჩამოყალიბებისას XVIII საუკუნეში და მნიშვნელოვანი გავლენა იქონია საზოგადოების ბედზე.

„ეს იყო ჩემი და ჩემი სამეცნიერო ხელმძღვანელის, ქალბატონ მარიამ ჩხარტიშვილის ერთობის თვითცნობიერების ჩამოყალიბებისას XVIII საუკუნეში და მნიშვნელოვანი გავლენა იქონია საზოგადოების ბედზე.“



„ეს იყო ჩემი და ჩემი სამეცნიერო ხელმძღვანელის, ქალბატონ მარიამ ჩხარტიშვილის ერთობის თვითცნობიერების ჩამოყალიბებისას XVIII საუკუნეში და მნიშვნელოვანი გავლენა იქონია საზოგადოების ბედზე.“

ბიერებისა და ქართული ერთობის კონცეპტუალიზაციის თვალსაზრისით. ჩვენ ვცდილობთ, ეს ეპოქა გავიზაროთ ქართული იდენტობის გაგების კონტექსტში და ვფიქრობთ, რომ აქამდე არსებული შეხედულებებისგან მეტნაკლებად განსხვავებული სურათი გვაქვს ნაჩვენები“, — აღნიშნა ჩვენთან საუბარში ზურაბ თარგამაძემ.

ნაშრომის ინსპირაციის წყაროდ დასახელებულია მარიამ ჩხარტიშვილისა და ქეთევან მაინას მიერ 2011 წელს გამოცემული მონოგრაფია „ქართველთა ნაციონალური კონსოლიდაციის პროცესის ასახვა ბეჭდურ მედიაში: „ივერია“ და მისი მკითხველი საქართველო“, რომელშიც ქართული ნაციონალიზმის დაბადების პერიოდად მე-19 საუკუნის



# საქართველოს უნივერსიტეტი XIX საუკუნის მეორე ნახევრამდე

პრეზიდენტი ბარბაკე ნადეაშვილი

თსუ-ის კავკასიოლოგიის ინსტიტუტისა და თსუ-ის პუბლიცისტურ მეცნიერებათა ფაკულტეტის სტუდენტებისთვის ახალი სალექციო კურსი შეიქმნა, რომელიც, სპეციალისტების შეფასებით, იმ თვალსაზრისითაც არის მნიშვნელოვანი, რომ მასში ასახულია კავკასიის ხალხთა ისტორია უძველესი დროიდან XIX საუკუნის მეორე ნახევრამდე, სამხრეთ და ჩრდილო კავკასიის ხალხთა თანაცხოვრების სოციალურ-კულტურული განვითარების პროცესები. თბილისის სახელმწიფო უნივერსიტეტში თსუ-ის პროფესორის, ისტორიის მეცნიერებათა დოქტორის ჯონი კვიციანის ახალი წიგნის პრეზენტაცია გაიმართა, სადაც ნაშრომის მნიშვნელობაზე ისაუბრეს.



ჯონი კვიციანი


ამ სფეროში ახალი ნაშრომის შექმნა, ჯონი კვიციანის თქმით, თანამედროვე მსოფლიოში გლობალიზაციის პროცესში რეგიონალიზაციის აქტუალობამ განაპირობა. „გლობალიზაციის პროცესს თავისი დადებითი და უარყოფითი მხარეები აქვს, ამიტომაც რეგიონულ და ლოკალურ დონეებზე უდიდეს გამოწვევად რჩება ეროვნულ საზოგადოებათა და სახელმწიფოთა რღვევის პროცესის დაწყება. ამ გამოწვევებზე პასუხის გაცემა ითხოვს ახალი ინტეგრალური აზროვნების ფორმირებას და, შესაბამისად, ხალხთა ლოკალურ, რეგიონალურ და გლობალურ დონეებზე ინტეგრაციას. ამ თვალსაზრისით, თუ ევროკავშირის ქვეყნების სოციალურ-კულტურული, ეკონომიკური და პოლიტიკური ინტეგრაცია მისაბამია, კავკასიაში — პირიქით, სახეზეა რეგიონის დეზინტეგრაცია, ეთნოპოლიტიკური კონფლიქტები და ა.შ. რეგიონში ამ პროცესების შეჩერება და შემდგომ ერთიანი თანამედროვე მშვიდობიანი კავკასიის ფორმირება მხოლოდ ახალი სამოქალაქო საზოგადოებების და სახელმწიფოთა მიერ შესაბამისი კავკასიური პოლიტიკის გატარების შედეგად არის შესაძლებელი. ეს პოლიტიკა კავკასიურ იდეას უნდა

ეფუძნებოდეს, რომლის იდეოლოგიური საფუძველი კავკასიური ცივილიზაცია შეიძლება იყოს, რომელიც გულისხმობს ერთი ან რამდენიმე ეთნოსის, სახელმწიფოს საერთო ღირებულებებით გაერთიანებას“, — აცხადებს ჯონი კვიციანი.

ჯონი კვიციანის აზრით, კავკასიის ხალხთა საერთო ისტორიული წარსულის ახლებურად შესწავლა, ისტორიული მემკვიდრეების აქტუალიზაცია მნიშვნელოვან ამოცანას წარმოადგენს. ნაშრომის შექმნის ერთერთ ფაქტორად იგი კავკასიის რეგიონის ისტორიისა და კულტურის შესწავლის ახალი ეტაპის დაწყებას ასახელებს. „კავკასიის შესწავლის კუთხით შეგვიძლია ოთხი ეტაპი გამოვყოთ. პირველი, ანტიკურ ხანაში „ისტორიის მამიდან“ — ჰეროდოტედან დაწყებული, შუა საუკუნეების ავტორებთან (ლეონტი მროველი, ჯორჯიო ინტერიანი, არქანჯელო ლამბერტი და სხვ.) დამთავრებული. ამ ეტაპზე, რეგიონის ხალხების შესახებ მოცემული მასალები გვეხმარება მათი ეთნოგენეზისა და პოლიტიკოგენეზის ისტორიის შესწავლაში. მეორე ეტაპზე, ახალ და უახლეს დროში, როდესაც კავკასიის რეგიონი რუსეთის იმპერიის შემადგენელი ნაწილი გახდა, პეტერბურგში ჩამოყალიბდა კავკასიოლოგიური სამეცნიერო სკოლა. 1917 წლის რევოლუციამდე ამ სკოლაში მოღვაწეობდნენ ცნობილი კავკასიოლოგები: ნ. მარი, ვ. სტრუვე, ი. ჯავახიშვილი, კ. კეკელიძე, ი. მინაიანი და სხვები, რომ-

ლებსაც დიდი ღვაწლი მიუძღვით საბჭოთა კავკასიოლოგიის განვითარებაში. მესამე ეტაპი — ეს არის 1917-1992 წლები, როდესაც კავკასიოლოგიამ საბჭოთა კავშირის ცენტრიდან ადგილებზე, მოკავშირე და ავტონომიურ რესპუბლიკებში გადაინაცვლა. შეიქმნა კავკასიის ხალხთა ისტორიის, კულტურის შემსწავლელი სამეცნიერო დაწესებულებები, უმაღლეს სასწავლებლებში კი გაიხსნა კათედრები, სადაც კავკასიოლოგები მზადდებოდნენ. მეოთხე ეტაპზე კი, რომელიც 1992 წლიდან დაიწყო და დღემდე გრძელდება, საჭიროა მეთოდოლოგიური პლურალიზმის საფუძველზე კავკასიის ისტორიის ახლებურად შესწავლა-რეკონსტრუქცია. თუ ადრე კავკასიოლოგია ცარიზმის ხელისუფლებასა და საბჭოთა სახელმწიფოს ემსახურებოდა, დღეს იგი ადამიანს უნდა ემსახუროს“, — განაცხადა ჯონი კვიციანმა.

როგორც წიგნის პრეზენტაციაზე აღინიშნა, საქართველოში კავკასიოლოგიის კვლევებისათვის რეგიონის ხალხთა საერთო ისტორიული წარსულის ახლებურად შესწავლა, ასევე, განპირობებულა ქვეყნის დემოკრატიული მშენებლობით, სიტყვის თავისუფლებითა და ისტორიული მემკვიდრეების აქტუალიზაციით. მეცნიერი კავკასიის ხალხთა მშვიდობიანი თანაარსებობის, ინტეგრაციის იდეოლოგიურ საფუძველს ხედავს კავკასიურ ცივილიზაციაში, რომელიც აგრარულ ეპოქაში ჩამოყალიბდა და ეფუძნება კავკასიის



ისტორიის ერთიანი სახელმძღვანელო დღემდე არ არსებობდა და, ამდენად, ახალი სალექციო კურსი ამ მხრივაც ძალზე მნიშვნელოვანია. სტუდენტების გარდა, ნაშრომი საინტერესო იქნება, ასევე, სპეციალისტებისა და კავკასიის ხალხთა ისტორიით დაინტერესებული მკითხველისათვის.

წიგნის რედაქტორია ნინო ჩიქოვანი, რეცენზენტები: გიორგი ოთხმეურნი და ივანე მენთეაშვილი.

პრეზენტაციაზე წიგნის მნიშვნელობაზე თსუ-ის კავკასიოლოგიის ინსტიტუტის ხელმძღვანელმა, პროფესორმა ცირა ბარამიძემაც ისაუბრა და აღნიშნა, რომ ჯონი კვიციანის მიერ სალექციო კურსის შექმნა მართლაც მნიშვნელოვანი და მისასალმებელია. „ჩვენი მიმართულება მემკვიდრეა 1993 წელს დაარსებული კავკასიის ხალხთა ისტორიის კათედრისა, რომელიც კვლავ ერთგულია ივანე ჯავახიშვილის კონცეფციის — რომ ისტორიკოსი და კავკასიოლოგი მხოლოდ იმ შემთხვევაშია სრულყოფილი სპეციალისტი, როდესაც იგი, ამავე დროს, კარგი ლინგვისტიც არის და პირიქით — სრულყოფილი ფილოლოგი ისტორიული მიმართულების ემპირიულ მასალას. ჩვენი ინსტიტუტის წამყვანი სპეციალისტი, პროფესორი ჯონი კვიციანი კარგად იცნობს ამ პრობლემებს, კავკასიის ხალხთა ისტორიის და ეს მის ნაშრომშიც აისახა“, — განაცხადა ცირა ბარამიძემ.

## ქართველთა თვითცნობიერება: ისტორიული ასპექტები (XVIII საუკუნე)

მ-6 მ-3-დან

20-30-იანი წლებია მიჩნეული და ავტორები გადამწყვეტ მომენტს 1832 წლის შეთქმულებას უწოდებენ. მასში ასევე მითითებულია, რომ ქართული ნაციონალიზმისთვის დამახასიათებელი ნიშანი ამ პერიოდში უკვე პოლიტიკური იყო, რასაც ზურაბ თარგამაძეც ეთანხმება, თუმცა მიიჩნევს, რომ ქართული ნაციონალიზმის დაბადების პერიოდი მეთვრამეტე საუკუნის მეორე ნახევარს ემთხვევა.

ბით. კერძოდ, ნაჩვენებია, რომ ისტორიაში მნიშვნელოვანია არა მხოლოდ კონკრეტული ფაქტები და მათი ქრონოლოგია, არამედ გარკვეული მენტალური და აზრობრივი ბმა სხვადასხვა მოვლენას შორის.

მეორე თავში — „გამოკვლევის თეორიული საფუძველი“ — მკითხველი ეცნობა კვლევის ჩარჩოს — ეთნოიმპოლიტიკურ პარადიგმას და მის როლს ისტორიის შესწავლაში.

მესამე თავში — „კულტურულ-საგანმანათლებლო მოძრაობა“ — გაშუქებულია ქართული ერთობის ცხოვრების კულტურული ასპექტები. ავტორი წერს, რომ „იმ პერიოდის მოღვაწეები, ეთნო-კულტურული პოსტულატების სახით, ქმნიდნენ და აცოცხლებდნენ ქართული ნაციონალიზმისთვის საჭირო სამშენებლო მასალას. მათ შორის, უმთავრესი ადგილი ეჭირა ენისა და რელიგიის საკითხს. ქართული ნაციონალიზმის დღის

წესრიგის ფორმირებაში სრულიად განსაკუთრებული როლი ითამაშა ქართულმა ეკლესიამაც“.

ტრადიციული თემის განხილვას უწოდებს ზურაბ თარგამაძე მეოთხე თავში მოცემულ თემატიკას, რომელიც „სოციალურ-ეკონომიკურ ურთიერთობებს“ შეეხება. ამავე თავშია მოცემული ქალთა ეკონომიკური და სამართლებრივი აქტივობების ანალიზიც.

მეხუთე თავი — „პოლიტიკური ფრაგმენტაცია და მისი გავლენა ქართული ერთობის თვითცნობიერების ჩამოყალიბებაზე“ — ეძღვნება პოლიტიკური ისტორიის საკითხებს. როგორც ავტორი წერს, ამ თავში მნიშვნელოვანი იყო პოლიტიკური პროცესის ქართული იდენტობის განვითარების კონტექსტში გააზრება.

ბოლო, მეექვსე თავში კი მოცემულია „ნაციონალური თვითცნობიერების განვითარების მომდევნო ეტაპები“. ესაა

ზოგადი მიმოხილვა XIX-XX საუკუნეებში განვითარებული ისტორიული პროცესებისა. აქვე ამოიკითხავთ ამ პერიოდში ნაციონალური საკითხების შესახებ არსებულ ინტერპრეტაციებს და ავტორის დაკვირვებებს მეოცე საუკუნეში მიმდინარე დისკურსთან დაკავშირებით.

წიგნის თავები დალაგებულია იმ თემებისა და საკითხების მიხედვით, რომლებიც ქართულ ისტორიოგრაფიაში კარგად შესწავლილად მიიჩნევა. ავტორი წერს, რომ ეს გზა მან შეგნებულად აირჩია, რადგან ტრადიციული დასათაურების ქვეშ ამოკითხული განსხვავებული მოსაზრებების შემდეგ უფრო თვალსაჩინო გახდებოდა ქართული ისტორიოგრაფიის განვითარების თავისებური ხაზი.

რაც შეეხება ნაშრომის სამეცნიერო სიახლეს, როგორც ზურაბ თარგამაძის სამეცნიერო ხელმძღვანელი, პროფესორი მარიამ ჩხარტიშვილი აღნიშნავს,

ეს არის პანორამული გამოკვლევა და ერთი საუკუნის გააზრება ახალი თეორიული ჩარჩოს — ეთნოიმპოლიტიკის ფარგლებში: „ამ წიგნში მე-18 საუკუნე, რომელიც სხვადასხვა კუთხით აქამდეც შესწავლილი იყო, ავტორმა განსხვავებული პრინციპით გააანალიზა. მან ბევრი კითხვა წამოჭრა, რაც ახალი კვლევებისთვის ინსპირაციას წყარო შეიძლება გახდეს. ამ ნაშრომს გამოარჩევს ის, რომ მასში არის კონკრეტული და თეორიული კვლევების კარგი შერწყმა. მე, პირადად, ასეთი ისტორია მომეწონა“, — აღნიშნა ჩვენთან საუბარში წიგნის რედაქტორმა, პროფესორმა მარიამ ჩხარტიშვილმა.

წიგნი — „ქართველთა თვითცნობიერება: ისტორიული ასპექტები (XVIII საუკუნე)“ — არაკომერციული გამოცემაა და იგი გამომცემლობა „მერიდიანმა“ დასტამბა.



# პირველი ქართველი პროფესიონალი ეთნოლოგი

## 150

წელი უსწრებდა უდიდესი ქართველი საზოგადო მოღვაწის, პირველი ქართველი ეთნოლოგ-ანთროპოლოგის თედო სახოკიას დაბადების დღეს. იმ დღისდასახელებს შორის, რომელიც ამ საინფორმაციო თარიღს მიეძღვნა, იყო თსუ-ის ეთნოლოგიის სასწავლო-სამეცნიერო ინსტიტუტის მიერ ორგანიზებული სამეცნიერო სესია.

სესიის გახსნაზე ასოცირებული პროფესორმა ქეთევან ხუციშვილმა განაცხადა თედო სახოკიას ღვაწლი და აღნიშნა, რომ მის მიერ ჩაყრილი ფუნდამენტური სამუშაოები უსწრებდა ეთნოლოგიის განვითარებას. „იგი გამოიწვევდა უსწრებელი იყო აკადემიური, სოციალური თუ პოლიტიკური აქტივობით და დიდი წვლილი შეიტანა იმდროინდელი საქართველოს განვითარებაში. თედო სახოკია არის ნიშნული პატრიოტი მოღვაწისა და თავადაც შეგვიძლია მივიჩნიოთ ჩვენი დარგის ფუძემდებლად. მან სამეცნიერო მეთოდოლოგიით შეინარჩუნა საქართველოს კუთხეები და შეუზარალებელი შრომატი დატოვა,“ — აღნიშნა ქეთევან ხუციშვილმა.

სესიაზე წარმოდგენილი იყო სამი მოხსენება: „თედო სახოკიას ცხოვრება და მოღვაწეობა“ (რ. თოფჩიშვილი); „თედო სახოკია ქართული ხალხური მედიცინის შესახებ“ (ბ. მინდაძე) და „თედო სახოკიას ციფრული მოგონებანი“ (რ. გუჯაჯანიანი).

## თედო სახოკიას ცხოვრება და მოღვაწეობა


### ■ თსუ-ის პროფესორის როლანდ თოფჩიშვილის მოხსენებიდან:

მე-19 საუკუნის მეორე ნახევარსა და მე-20 საუკუნის დასაწყისში საქართველოში არაერთი ინტელექტუალი გამოჩნდა. ისინი ქვეყნისა და ხალხის მომავალზე ზრუნავდნენ. ამ დიდ მოღვაწეთა შორის იყო თედო (თოდოტი) სახოკია.

თედო სახოკია 1868 წლის 14 მარტს სოფელ ხეთაში, სასულიერო პირის, ტიმოთე მღვდლის ოჯახში დაიბადა. სახოკიების გვარი ამ სოფლის მკვიდრი არ იყო. მის შესახებ გადმოცემა თედო სახოკიას ავტობიოგრაფიაში აქვს მოტანილი: „გადმოცემა დარწმუნებული, რომ ჩვენი წინაპარი რაჭველი გამოყვანილი ყოფილა. მას თავის სოფელში კაცი შემოჰყვდომია. სასჯელისა და მოკლულის ნათესავეების მხრიდან შურისძიებისთვის თავის დასაღწევად გამოქცეულა გორდში, ლეჩუმში. აქ ცოლი შეურთავს და მისცემია 4 ვაჟი და ერთი ქალი. შემდეგ გამოქცეულან სამეგრელოში. ჯერ მისულან მარტვილის ტაძართან და ნიშნად ყმობისა და მონობისა, კისრით გამობმულან ტაძრის კარების ბოქლომზე. ამის შემდეგ ისინი ითვლებოდნენ მარტვილის ტაძრის ყმებად. გვარებიც გამოუცვლიათ. ორ ძმას სახოკიები დაურქმევიათ თავის თავისთვის და მხედრობა დარწმუნებულ, ხოლო 2 ძმას გახოკია აურჩევია თავის გვარად.“

თედო სახოკია პირველი ქართველი პროფესიონალი ეთნოლოგი გახლდათ. მას განათლება საფრანგეთში ჰქონდა მიღებული, თუმცა, უნდა ითქვას, რომ თედო სახოკიას მეცნიერული ინტერესები უფრო ფართო იყო. მას აინტერესებდა ფოლკლორიც, ქართული ხატოვანი სიტყვა-თქმანიც, ანდაზებიც. რაც მთავარია, ის იყო საყოველთაოდ ცნობილი მხატვრული ლიტერატურის მთარგმნელი. თავისი სიცოცხლის გარკვეული ახალგაზრდული მონაკვეთი მან პუბლიცისტიკას მიუძღვნა, რის გამოც ციმბირში იქნა გადასახლებული, თუმცა მან იქიდან გაქცევა მოახერხა.

ეთნოლოგიის/ანთროპოლოგიის სპეციალობას თედო სახოკია საფრანგეთში დაუფლდა ჯერ სორბონის უნივერსიტეტში, ხოლო შემდეგ — უმაღლეს ანთროპოლოგიურ სკოლაში. ის წერდა: „ჩემი გული მიიწვევდა ეთნოგრაფიისაკენ, რომელიც და ბოლოს ჩემს სალიტერატურო მუშაობაშიც ჩემს სპეციალობად უნდა



თედო სახოკია

გამეხდა“. სტუდენტი თედო სახოკია პარიზში ლექციებს ისმენდა ცნობილი ანთროპოლოგებისაგან. პირველი ეთნოლოგიური ნაშრომი — „ყვავილბატონები საქართველოში“ — მან 1903 წელს პარიზის ანთროპოლოგიური სამეცნიერო საზოგადოების სხდომას წარუდგინა და, მოხსენების მაღალი სამეცნიერო ღირებულების გამო, პარიზის ანთროპოლოგიური საზოგადოების საზღვარგარეთელ წევრ-კორესპონდენტად აირჩიეს.

თედო სახოკიამ, საფრანგეთის გარდა, ახალგაზრდობის წლებში მოიარა ევროპის სხვა ქვეყნებიც, კერძოდ: იტალია, შვეიცარია, ბელგია. ის ხანგრძლივად იმყოფებოდა იტალიაში, რის შესახებაც წერდა: „ყველაზე მეტი შთაბეჭდილება ჩემზე იტალიამ დასტოვა თავისი გასაოცარი ჩამორჩენილობით, რა თქმა უნდა, ევროპის სხვა ქვეყნებთან შედარებით, და ამასთან გასაოცარია მსგავსება ჩვენს ქვეყანასთან: ეკონომიურის ყოფითა და მკვიდრთა ზნე-ჩვეულებებით“. ამ ჩამორჩენილობაში ის ფეოდალურ სისტემას გულისხმობდა. სახოკია არა მხოლოდ იტალიურს სწავლობდა, არამედ ისეთ დიდ ქართველ მოღვაწეებს ეხმარებოდა ნაწერების დასაბეჭდად მომზადებაში, როგორც იყო მიქეილ თამარაშვილი. სახოკია შესანიშნავი საველე მუშაკი გახლდათ. ამიტომაც ის დიდ ყურადღებას აქცევდა ეთნოგრაფიული მასალების ზუსტ ჩანერას. გიორგი ჩიბია წერდა: „თედო სახოკია თავის ეთნოგრაფიულ ჩანაწერებში მოვლენებსა და ფაქტებს აღწერს საკმარისი სისრულით, თითქმის ყოველმხრივ და ზუსტად. ის თავისი დროისათვის მომზადებული გამჭრიახი და გონებაშახვილი მკვლევარი და ეთნოგრაფია. მის ეთნოგრაფიულ ნაწერებში უხვადაა მოცემული საქართველოს ეთნოგრაფიული სინამდვილის ამსახველი მასა და, ამავე დროს, რიგი მეცნიერული ღირებულებების მქონე საკითხი მართებულად არის დასმული და სათანადოდ განაწილებული“.

უნდა აღინიშნოს ის ფაქტი, რომ იგი მხოლოდ ისტორიულ-ეთნოგრაფიული ფაქტების დაფიქსირებას როდი ახდენდა. სადაც კი მოგზაურობდა, ასახავდა ამა თუ იმ სოფლის თანამედროვე მდგომარეობას. შეიძლება გავიხსენოთ გურიაში რუსული ოჯახის გაჩენა და რუსთა გაქართველების ფაქტებზე საუბარი; ნოვაციის მეორე ფაქტად შეიძლება გურიაში ჩონგურის ნაცვლად გიტარის გავრცელება დავასახელოთ, რასაც ის არ მიესაღებოდა.

თედო სახოკიას მიერ მოპოვებულ მონაცემებს სხვა მხრივაც აქვს დიდი მნიშვნელობა. მან დაგვიტოვა ისეთი მოვლენების თუ ფაქტების აღწერილობა, რომელიც შემდეგ ახალი ცხოვრების შემოსვლით მალე გაქრა. ველზე მუშაობისას იგი პარალელურად სხვა მნიშვნელოვან სამუშაოებსაც ასრულებდა. იგი აგროვებდა ეთნოგრაფიულ კოლექციებს, რომლებიც ინახება როგორც საქართველოში, ასევე უცხოეთში: პარიზსა და პეტერბურგში. პირველმა ქართველმა პროფესიონალმა ეთნოლოგმა თავისი მოღვაწეობა ეთნოლოგიაში საქართველოს სხვადასხვა ისტორიულ-ეთნოგრაფიულ მხარეებში მასალების მოპოვებით დაიწყო: დასავლეთ საქართველო, გურია, აჭარა, სამეგრელო, სამურზაყანო, აფხაზეთი, რაჭა. თუმცა, უნდა ითქვას, რომ პირველი ასეთი დაკვირვება მან შიდა ქართლზე მოახდინა, რომლის ერთ-ერთ სოფელში 1889 წელს მასწავლებლობდა.

მან მნიშვნელოვანი კვალი დატოვა ქართულ ეთნოლოგიაში. მისი მიზანი იყო არა მხოლოდ ქართული ტრადიციების წარმოჩენა, არამედ თანამედროვეობა, საქართველოს მომავალი და ქართველი ხალხის კონსოლიდაცია იმის საფუძველზე, რომ საუკუნეების განმავლობაში ქართველ ხალხს ერთი და ერთიანი ხალხური კულტურა ჰქონდა შექმნილი. თედო სახოკია 1956 წელს გარდაიცვალა.

## თედო სახოკიას „ციფრული მოგონებანი“, როგორც ეთნოგრაფიული წყარო

### ■ თსუ-ის ასოცირებული პროფესორის როლანდ გუჯაჯანიანის მოხსენებიდან

თედო სახოკიას მეცნიერული მემკვიდრეობა ინტერდისციპლინურია, რადგან იგი გახლდათ პირველი სწავლული ეთნოლოგი/ანთროპოლოგი, ლექსიკოგრაფი, მთარგმნელი, მწერალი.

თედო სახოკიას არქივში (ლიტერატურის მუზეუმი) დაცულია ხელნაწერი (1931 წლისა) სახელწოდებით — „ციფრული მოგონებანი 1905 წლის რევოლუციის დროიდან“. ხელნაწერის სამი თავი 1939 წელს გამოქვეყნდა „მნათობში“. ხელნაწერი სრულად გამოქვეყნდა 2012 წელს.

რა აკავშირებდა თედო სახოკიას 1905 წლის რევოლუციასთან და რა იდეები ასულდგმულბდა მას? ცნობილია, რომ თედო სახოკია სტუდენტობის წლებშივე ჩაება ეროვნულ-გამათავისუფლებელ მოძრაობაში, რისთვისაც ის გარიცხულ იქნა ტფილისის სასულიერო სემინარიიდან.

1890-იანი წლების დასაწყისიდან თედო სახოკია მეგობრებთან ერთად (გიორგი დეკანოზიშვილი, შიო დედაბერიშვილი, გიორგი გვაზავა, იაკობ ფანცხავა...) ქმნის „საქართველოს თავისუფლების ლიგას“. ამ ეროვნული საქმის გამო ახალგაზრდების ჯგუფს აპატიმრებენ, გამოძიება გრძელდებოდა სამი წელი, 708-თვიანი პატიმრობის შემდეგ ისინი გათავისუფლდნენ, მაგრამ დარჩნენ პოლიციის მეთვალყურეობის ქვეშ.

1890-იანი წლების ბოლოდან თედო სახოკია, ძირითადად, აფხაზეთში მოღვაწეობს და ცდილობს აფხაზეთის გადარჩენას რუსიფიკაციისაგან. თედომ აფხაზეთში ჩამოაყალიბა „ქართული პარტია“ და მკვეთრად დაუპირისპირდა სოხუმის „ოკრუგში“ მიმდინარე რუსიფიკატორულ პოლიტიკას. საარქივო მასალით დასტურდება, რომ რუს მოხელეთა დაკვირვებით, თედო სახოკია სერიოზულ საფრთხეს წარმოადგენდა და საჭირო იყო მისი დაპატიმრება.

1900 წელს თედო სახოკიამ დატოვა საქართველო და დაემკვიდრა ევროპაში, კერძოდ, პარიზში. ოთხი წლის განმავლობაში ეუფლებოდა ეთნოლოგიის/ანთროპოლოგიის პროფესიას.

სწავლისა და მეცნიერული კვლევების პარალელურად, თედო სახოკია აგრძელებს ეროვნულ მოძრაობასთან თანამშრომლობას. 1902 წელს პარიზში იკრიბებიან თედო სახოკია, არჩილ



როლანდ თოფჩიშვილი

ჯორჯაძე, გიორგი დეკანოზიშვილი და ინყებენ სოციალისტ-ფედერალისტთა პარტიის გაზეთის გამოცემას: გაზეთი „საქართველო“ 1905 წლამდე გამოცემოდა და ვრცელდებოდა საქართველოშიც.

1905 წლისათვის, გიორგი დეკანოზიშვილის მონდომებითა და ფინანსებით შექმნილ იქნა გემი და იარაღი, რაც უნდა ჩატანილიყო საქართველოში და დაწყებულიყო ქართველთა ბრძოლა სამშობლოს გათავისუფლებისათვის. გაზაფხულზე საქართველოში ნიადგის მოსამზადებლად გააგზავნეს თედო სახოკია. ოქტომბერში გემი „სირიუსი“ იარაღით დატვირთული ამსტერდამიდან ფოთისაკენ გაემგზავრა. გემი ფოთს 22 ნოემბერს მიაღწა. „ოხრანკა“ საქმის კურსში იყო და აქტიურად ცდილობდა გემისა და შეთქმულების დაპატიმრებას. თედო სახოკიამ და მისმა მეგობრებმა მაინც მოახერხეს იარაღის ნაწილის გადატანა ნავებზე და ნავებით შეიტანეს საქართველოში. ცოტა ხანში გენავებიც და თედო სახოკიაც დაიჭირეს და გააციმბირეს. მას სამუდამო კატორღა (ირკუტსკის მხარეში) მიუსაჯეს და გადასახლეს. აი, სწორედ ეს რთული ისტორია არის აღწერილი ნიგნში (ქრონოლოგია: 1908 წლის ღვინობისთვე — 1909 წლის მაისი).

ნიგნში აღწერილი არაერთი პოლიტიკური ფაქტი, პროცესი, სოციალური გარემო და ყოფითი ნიუანსები ფრიად მნიშვნელოვანი წყაროა ისტორიკოსთა და ეთნოლოგთათვის.

1909 წელს თედო სახოკიამ კატორღიდან გაქცევა მოახერხა. საინტერესოა, რომ ურთულეს პირობებში მყოფი თედო სახოკია (პატიმარი, მშვიერ-მწყურვალი, ფეხებზეშორკილი, ავადმყოფი, მყოფი ყინვასა თუ გაუსაძლის უპაერობაში, სასტიკ კრიმინალთა მხრიდან თავდასხმის პირობებშიც კი) სამყაროს ეთნოლოგის თვალთ უშერს და აღწერს ყოველ ყოფით ელემენტს თუ სოციალურ პროცესს.

მნიშვნელოვანია თედოს მიერ აღწერილი სასამართლო პროცესი, ჩინოვნიკთა სახეები, ქართველი საზოგადოების მხარდაჭერა დაპატიმრებულებისადმი, ლალატის ისტორია, სატუსალოები, პატიმართა გაუსაძლისი ყოფა, პატიმართა სახეობები: პოლიტიკურები და არაპოლიტიკურები, „კონვოის“ სისტემა, გზა, რიაჟის ციხეში ნანახი წარწერა: მისი მეგობრების, მასზე ადრე გაცემბირებული მენავების მიერ დანერული, გაყინულ ვოლგაზე გადაადგილება, უფის, ზლატოუსტის, შემდეგ უკვე ციმბირული ყოფა და ვითარება. იგი ყურადღებას ამახვილებს ხელოვნების ცოდნის აუცილებლობაზე. აღწერს გავრცელებულ მანიკერებებს: არყის სმას, ქალაღდის თამაშს, სოდომის ცოდვას.

გზადაგზა თედო სახოკია მოგვითხრობს სხვა პატიმრებზე, მეგობრებზე თუ სხვა ადამიანებზე, აღწერს მათ სულიერ მდგომარეობას, მათი ყოფის მიმე პირობებს, პოლიტიკურ და არაპოლიტიკურ პატიმართა დაპირისპირებებს. საუბრობს ბურიატებზე, გადასახლებულ ლეკთა ტანჯვა-წამებზე, ყირგიზებზე. თედოს გამოქცევისა და საქართველოში ჩამოღწევის გზაც არაერთი მნიშვნელოვანი ეთნოგრაფიული ფაქტით არის აღბეჭდილი.

ამრიგად, თედო სახოკიას „ციფრული მოგონებანი“ უქვირფასესი წყაროა 1900-იანი წლების კულტურულ-სოციალური ვითარების შესასწავლად და მას აქვს ძალიან დიდი მნიშვნელობა იმდროინდელი ყოფითი რეალების რეკონსტრუირებისათვის.

მაია ტორაძე



როლანდ გუჯაჯანიანი





# თამარ პაიჭაძის „საჭირო, მნიშვნელოვანი და აქტუალური ნაშრომი“

შარტხია ბაროშვილი

ქართული მოდერნიზმის „ოქროს ხანა“ — XX საუკუნის პირველი ნახევარი, თავისთავად, გამორჩეული იყო იმ თვალსაზრისითაც, რომ იმ პერიოდში მოღვაწე პროგრესულად მოაზროვნე მწერლების შემოქმედებამ განუმეორებელი კვალი დააჩნია ქართულ ლიტერატურას. თუმცა, გასული საუკუნის ეს ერთ-ერთი მნიშვნელოვანი პერიოდი, საბჭოთა რეჟიმის პირობებში, დიდხანს ობიექტურად და სისტემურად არ იყო გამოკვლეული. ეს პროცესი უფრო მოგვიანებით დაიწყო. თსუ-ის ასოცირებული პროფესორის თამარ პაიჭაძის ახალი წიგნი — „მოდერნიზმი და ქართული ლიტერატურა“ სწორედ ამ დანაკლისის შევსების წარმატებული მცდელობაა, — ითქვამს თბილისის სახელმწიფო უნივერსიტეტში გამართულ წიგნის პრეზენტაციაზე, რომელსაც ლიტერატურათმცოდნეობის, პროფესორები, სტუდენტები და მონვეული სტუმრები დაესწრნენ.


როგორც წიგნის წინასიტყვაობაში ავტორი აღნიშნავს, მონოგრაფიულ გამოკვლევაში XX საუკუნის პირველი ნახევრის ქართული ლიტერატურის ისტორიის ერთი უმნიშვნელოვანესი მოვლენა და მონაკვეთია ასახული.

„ბოლო დრომდე ჩვენი ლიტერატურათმცოდნეობა ცალსახად განიცდიდა ჩამოყალიბებული (ფუნდამენტური და ქრესტომათიული) კვლევების სიმწირეს ქართული ლიტერატურის ისტორიაში მოდერნიზმის ეტაპის არსებობის შესახებ. ამ ნაწილის გარეშე კი შეუძლებელია გაანალიზდეს უახლესი ქართული ლიტერატურის განვითარების გზა და საფუძვლიანი წარსული წლების სასწავლო მასალებში და, ზოგადად, კვლევებში ამ საკითხის უგულვებელყოფა განპირობებული იყო საბჭოთა პერიოდის პოლიტიკით და, აქედან გამომდინარე, იდეოლოგიური მიდგომით თუ დამოკიდებულებით მოდერნიზმის, როგორც კულტურული ფაქტის, მიმართ, თუმცა შემდგომშიც,

ამ პოზიციის შეცვლის შემდეგ, ისტორიული და კვლევითი დისკურსის ხასიათის ნაშრომი ქართული ლიტერატურული მოდერნიზმის შესახებ არ შექმნილა. ეს თემა მხოლოდ ბოლო წლებში გაიხსნა და ცალკეულ საკითხთა შესახებ რამდენიმე გასათვალისწინებელი გამოკვლევა გამოქვეყნდა. სულ უფრო იკვეთებოდა საჭიროება ლიტერატურის კვლევების განსაკუთრებით სასწავლო პროგრამაში, რომლებიც თანამედროვე მეთოდების, კომპონენტებისა და გამოწვევების კვალობაზე წარმოაჩენდნენ ქართული მოდერნიზმის ისტორიას, მის მხატვრულ თავისებურებებს და შესაბამის ადგილს მიუჩინდნენ ამ პროცესს ლიტერატურის ისტორიაში. შესაბამისად, ქართული მოდერნიზმის კვლევის პროცესი დღესაც აქტუალური და ამოუწერავია“, — აღნიშნავს თამარ პაიჭაძე.

როგორც ავტორმა პრეზენტაციაზე დამსწრე საზოგადოებას განუცხადა, წიგნი მრავალწლიანი შრომის შედეგია, რომელიც მან ამ ხნის მანძილზე ბიბლიოთეკებში, მუზეუმებში, არქივებში, სხვადასხვა გამოცემებში, საზღვარგარეთ მოძიებულ წყაროებზე მუშაობის შედეგად მოიპოვა. თამარ პაიჭაძის აზრით, ამ საკითხების კვლევა განსაკუთრებით მნიშვნელოვანია ქართული ლიტერატურათმცოდნეობისთვის, რადგან სწორედ ამ პერიოდის მწერლებმა თავისი მოღვაწეობით კრიზისს გადაარჩინეს და ფსევდოლიტერატურულ მოსახვევებს აარიდეს ქართული ლიტერატურა, რომელიც იმ რეალობაში არსებობდა.

„XX საუკუნე იმდენად რთულია და ამის მიზეზი, პირველ რიგში, იყო იდეოლოგიური წინააღმდეგობა, ის სტიგმა და სტერეოტიპი, რომელიც მოდერნიზმის ლიტერატურის გარშემო არსებობდა, შემდგომშიც გაგრძელდა. როდესაც ეს მწერლები „დაუბრუნდნენ“ სასწავლო პროგრამებს თუ მკითხველს, მათ მიმართ დამოკიდებულება, გარკვეულწილად, კვლავ არაობიექტური იყო. ჩვენმა თაობამ ეს თავის თავზე გამოსცადა. სკოლებში ისწავლებოდა ამ მწერლების მიერ დაწერილი



ნაწარმოებები, თუმცა, მათი შემოქმედება რა კუთხითაც იყო საინტერესო, კვლავ უცნობად რჩებოდა, ზოგიერთი მწერალი კი საერთოდ აკრძალული იყო. საგულისხმოა ის ფაქტიც, რომ იდეოლოგიური წინააღმდეგობა არც იმდროინდელი საზოგადოება აღმოჩნდა მზად ახალი მიმდინარეობის მისაღებად — ესეც ერთ-ერთი მიზეზი გახდა იმისა, რომ მოდერნიზმის განვითარებას საქართველოში ფართო გასაქანი არ მიეცა. ამ სტერეოტიპიდან გამოსვლას გარკვეული დრო დასჭირდა. სამწუხაროდ, ეს ჩვენი ეპოქის რეალობა იყო. ამ დამოკიდებულებიდან ჩვენი ლიტერატურა შედარებით გვიან, XX საუკუნეში გამოვიდა. დანერგვების იყო ევროპული მკვლევრების მხრიდანაც. 70-იან წლებში პირველი წერილები სწორედ მათ ეკუთვნით. ისინი კარგად აცნობიერებდნენ იმ მნიშვნელობას, რომელიც გააჩნდა ქართულ ლიტერატურას, თუმცა, ჩვენი მხრიდან ინფორმაცია არ ჰქონდათ. საბედნიეროდ, ბოლო წლებში ეს დამოკიდებულება შეიცვალა, მნიშვნელოვანი კვლევები შეიქმნა ამ კუთხით, რომელთა გათვალისწინებითაც დაიწერა ეს წიგნი“, — აღნიშნავს თამარ პაიჭაძე.

ახალი ნაშრომის ავტორი მიიჩნევს, რომ ქართული მოდერნიზმის კვლევა ახალ ეტაპზე გადავიდა და ამ მიმართულებით კვლავ ბევრია სათქმელი და გასაკეთებელი. წიგნის ავტორის

ტყუილ, ქართული მოდერნიზმის ტექსტების გაცნობა, კვლევის გარდა, დიდი ემოციის მიღების შესაძლებლობაცაა. მან ასევე ხაზი გაუსვა იმ ფაქტს, რომ მისი ნაშრომი, უპირველეს ყოვლისა, ახალგაზრდა თაობისთვის არის განკუთვნილი და მადლობა გადაუხადა უნივერსიტეტის საგანმანათლებლო საბჭოს და თსუ-ის სამეცნიერო საბჭოს, რომელთა გადამწყვეტილებით ნაშრომი სასწავლო პროგრამაში შევიდა. თამარ პაიჭაძემ განსაკუთრებული მადლობა გადაუხადა წიგნის რედაქტორს კახაბერ ლორიას და რეცენზენტებს: ბელა წიფურიას და თამარ შარაბიძეს, მხარდაჭერისა და გვერდით დგომისთვის კი — მეგობრებსა და ოჯახის წევრებს. პრეზენტაციაზე ითქვა, რომ ახალი ნაშრომი თსუ-ის 100 წლის იუბილეს მიეძღვნა.

წიგნის მნიშვნელობაზე ილიას სახელმწიფო უნივერსიტეტის პროფესორმა ბელა წიფურიამ ისაუბრა: „ქართული მოდერნიზმის და ავანგარდის მემკვიდრეობა XX საუკუნის ქართული ლიტერატურის მემკვიდრეობაში დღემდე ერთ-ერთი უმნიშვნელოვანესი ეტაპია. საბჭოთა პერიოდში, ათწლეულების განმავლობაში ამ მემკვიდრეობის კვლევა არ იყო სათანადო დონეზე წარმართული. პირიქით, იყო ძალიან ტენდენციური იდეოლოგიზირებული დამოკიდებულება, რომელიც კრძალავდა ამ მიმდინარეობისადმი სათანადო ინტერესის გამოსახვას, ზუსტ და ობიექტურ შეფასებას. ამიტომ ეს პერიოდი ხელახლა შესასწავლი და გადასაზრებელია, შესაბამისად, თამარ პაიჭაძის ეს წიგნი ძალიან მნიშვნელოვანია“, — აღნიშნავს ბელა წიფურიამ.

თსუ-ის ჰუმანიტარულ მეცნიერებათა ფაკულტეტის დეკანმა ნანა გაფრინდაშვილმა წიგნს „საჭირო, მნიშვნელოვანი და აქტუალური ნაშრომი“ უწოდა, რომელშიც კვლევისა და სწავლების ინტეგრირება მოხდა.

როგორც პრეზენტაციაზე წიგნის რედაქტორმა კახაბერ ლორიამ განაცხადა, თამარ პაიჭაძის წიგნი კარგი შენაძენია ქართველი მკითხველისთვის, ლიტერატურათმცოდნეობისთვის და სტუდენტებისთვის.



თამარ პაიჭაძე

„მე-20 საუკუნის გარიჟრაჟიდან მოდერნიზმი იქცა ქართული ლიტერატურის იმ ხაზად, რომელმაც განსაზღვრა ქართული ლიტერატურული პროცესები. ეს წიგნი ავტორის სიღრმისეული ანალიზით, კომპლექსურობით და მრავალმხრივობით გამოირჩევა. ფაქტობრივად არ დარჩენილა არც ერთი მიმდინარეობა და ლიტერატურული შენაძენი ამ მაგისტრალური და მოდერნიზმის სტუდენტების ქართულ ლიტერატურაში, რომელიც შესაბამისად არ ასახულიყო ამ ნაშრომში. ეს კი იმის გარანტიას და წინაპირობას წარმოადგენს, რომ იგი საინტერესო იქნება როგორც სამეცნიერო წრეებისთვის, ფართო მკითხველისთვის და, უპირველეს ყოვლისა, ახალგაზრდობისათვის“, — აღნიშნავს თსუ-ის პროფესორმა კახა ლორიამ.

პრეზენტაციაზე მოსაზრებები სტუდენტებმაც გამოთქვეს: თსუ-ის ჰუმანიტარულ მეცნიერებათა ფაკულტეტის ბაკალავრიატის სტუდენტის ანა გოგოლაძის აზრით, სტუდენტებისთვის, რომლებიც დაინტერესდებიან არიან და სწავლობენ ამ პერიოდის ლიტერატურას, მნიშვნელოვანია ისეთი სახელმძღვანელო არსებობა, სადაც კომპლექსურად არის თავმოყრილი სხვადასხვა წყაროებში გახვეული მასალა; თანმიმდევრულად და სისტემურად არის წარმოდგენილი ქართული მწერლობის უმნიშვნელოვანესი ეტაპები.



## სამართლის და აკონომიკის ცენტრის გახსნის მთავარი არსი

პირველ მაისს, ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტისა და თბილისის ღია უნივერსიტეტის ურთიერთ-თანამშრომლობის ფარგლებში, თბილისის ღია უნივერსიტეტში სამართლის და ეკონომიკის ცენტრი გაიხსნა.

ცენტრის მხარდამჭერები არიან საქართველოს ადვოკატთა ასოციაცია და საქართველოს იუსტიციის უმაღლესი საბჭო.

სამართლისა და ეკონომიკის ცენტრი საუნივერსიტეტო ბაზაზეა დაფუძნებული, რომელიც მიზნად ისახავს სამართლისა და ეკონომიკური პოლიტიკის მიმართულებით მიმდინარე საკანონმდებლო, სამეცნიერო და პრაქტიკული პროცესების შესწავლას, პრობლემებსა და გამოწვევებზე ეფექტურ რეაგირებას, საზოგადოების ინფორმირებასა და კვლევების შედეგების ადრესატებისათვის გაცნობას.

ცენტრის მისიაა შექმნას სამართლისა და ეკონომიკური

პოლიტიკის აქტუალურ საკითხებზე ინტერდისციპლინური დისკუსიისა და იდეების გენერირების გარემო, რომელშიც აქტიურად ჩაერთვებიან როგორც სამეცნიერო წრეების წარმომადგენლები, ისე პრაქტიკოსი სპეციალისტები და სტუდენტები.

ლონისძიებს საქართველოს განათლებისა და მეცნიერების მინისტრი მიხეილ ჩხენკელი, თბილისის სახელმწიფო უნივერსიტეტის რექტორი გიორგი შარვაშიძე, უზენაესი სასამართლოს თავმჯდომარის მოადგილე მზია თოდუა, საქართველოს ადვოკატთა ასოციაციის თავმჯდომარე დავით ასათიანი, აკადემიური წრეები, მოსამართლეები და დეპუტატები დაესწრნენ.

„ცენტრი საგანმანათლებლო, საზოგადოებრივ და სასამართლო სფეროთა თანამშრომლობის მისაბაძი მაგალითია. იმედი გვაქვს, რომ ცენტრის მუშაობა ხელს შეუწყობს სამართლისა და ეკონომიკური პოლიტიკის პროცესების მეცნიერულ შესწავ-



ლას, გამოწვევებზე ეფექტურ რეაგირებას, საზოგადოების ინფორმირებას და სამართლებრივი ცნობიერების ამაღლებას.

მისასალმებელია, რომ ინტერდისციპლინური დისკუსიებისა და იდეების გენერირების პროცესებში მეცნიერებთან და სპეციალისტებთან ერთად სტუდენტებიც აქტიურად ჩაერთვებიან“, — აღნიშნავს საქართველოს განათლებისა და მეცნიერების მინისტრმა მი-

ხეილ ჩხენკელმა, რომელმაც სამინისტროს სახელით სრული მხარდაჭერა გამოუცხადა ცენტრის საქმიანობას.

ცენტრის მისიაზე ისაუბრა აგრეთვე თსუ-ის რექტორმა გიორგი შარვაშიძემ, რომელმაც ხაზი გაუსვა მის მნიშვნელობასა და ორი კომპონენტის — სამართლისა და ეკონომიკის ურთიერთგავლენის თავისებურებებს. „ცენტრი მიზნად ისახავს სამართლისა და ეკონომიკური პოლიტიკის მიმართუ-

ლებით მიმდინარე პროცესების შესწავლას, ეკონომიკური რეფორმების შედეგად გამოწვეული პრობლემების განხილვას სამართლებრივ ჭრილში. ასევე ეკონომიკურ გამოწვევებზე ეფექტურ რეაგირებას და საზოგადოებისთვის მნიშვნელოვანი ინფორმაციის მიწოდებას, ინტერდისციპლინური კვლევის შედეგების გაცნობას“, — განაცხადა რექტორმა.

საქართველოს ადვოკატთა ასოციაციის თავმჯდომარე დავით ასათიანმა დიდი მხარდაჭერა გამოუცხადა ცენტრის დამფუძნებლებს და შემდგომი წარმატებები უსურვა. მისი აზრით, ამ ცენტრში განხორციელებული კვლევები და მიღწევები პრაქტიკულად დაინერგება ქვეყნის ეკონომიკურ ცხოვრებასა და თანამედროვე იურისპრუდენციაში, რომელიც მნიშვნელოვნად შეუწყობს ხელს ქვეყნის პროგრესულ ზრდას.

პრეზენტაციის დასრულების შემდეგ პროფესორმა ირაკლი ბურდულმა წაიკითხა მოხსენება, სახელწოდებით: „ნეკრო-რიცეფცია საქართველოში“. მოხსენების შემდეგ დისკუსია გაიმართა.









სახელმწიფო უნივერსიტეტი

ნანა შათაშვილი: „უნივერსიტეტი გავაბარე მთელი ჩემი უნივერსიტეტი ცხოვრება“

გაზეთი „თბილისის უნივერსიტეტი“ აბრკალებს იმ პროფესორთა წარმომადგენელს, რომლებიც დღეს უნივერსიტეტის იმიჯს ქმნიან. ასეთ პროფესორთა შორისაა თსუ-ის ზუსტ და საბუნებისმეტყველო მეცნიერებათა ფაკულტეტის პროფესორი ნანა შათაშვილი.

თამარ ცაიანი

პროფესორმა ნანა შათაშვილმა სამეცნიერო მოღვაწეობა უკვე სტუდენტობის ასაკიდან დაიწყო. ასპირანტურაში ჩაბარებისთანავე უაღრესად საინტერესო ამოცანა მისცა ხელმძღვანელმა და, როდენ საკვირველიც უნდა იყოს, სწორედ ამ ამოცანის გადაწყვეტას ასახელებს ის ერთ-ერთ მნიშვნელოვან სამეცნიერო ნაშრომად — ეს გახლავთ 1982 წელს გამოქვეყნებული პირველი ნაშრომი, რომელშიც აკადემიკოს ნოდარ ცინცაძესთან ერთად განვიტარა ახალი თეორია არანრფივი ლანდაუს ჩაქრობის მოვლენისათვის ძლიერად ტურბულენტურ პლაზმაში Nonlinear Landau Damping Phenomenon in a Strongly Turbulent Plasma. N.L. Shatashvili & N.L. Tsintsadze. Physica Scripta, T/2, 511 (1982)].

ქალბატონი ნანასთვის რთული აღმოჩნდა სამეცნიერო ნაშრომებიდან ყველაზე მნიშვნელოვანის გამოყოფა და, ამიტომ, რამდენიმეს ასახელებს, რომლებმაც ფიზიკოსის სამეცნიერო მოღვაწეობა განსაზღვრა. „ერთ-ერთ ნაშრომში, თეორიასთან ერთად, ნიშნდობლივია ახალი არალოკალური არანრფივი შრედიგერის განტოლების მიღება და მისი ამოხსნის უნიკალური მათემატიკური გზის შემოთავაზება. ასევე გამოვეყენე 1997 წელს სვადემ მანაჯანთან (ოსტინი, აშშ) და პროფესორ ვაჟა ბერუიანთან ერთად შემოთავაზებული მოდელს დიდამსხტაბიანი მაგნიტური ველის გენერაციისათვის Theory of Magnetic Field Generation by Relativistically Strong Laser radiation. V.I. Berezhiani, S.M. Mahajan & N.L. Shatashvili. Phys. Rev. E 55, 995 (1997). ამ ნაშრომებმა დიდი

გამომავლება ჰპოვეს და, რეალურად, ბიძგი მისცეს მრავალ ახალ კვლევას. აქვე აღვნიშნავ, რომ ამავე პერიოდში დავინწყე მუშაობა ასტროფიზიკის ერთ-ერთ მნიშვნელოვან ამოცანაზე, კერძოდ, მზის ატმოსფეროში გაცხელების პრობლემაზე, რასაც არაერთი პუბლიკაცია მოჰყვა ამ მიმართულებით, როგორც გაცხელებაზე, ასევე დინების აჩქარება-ფორმირებაზე ასტროფიზიკურ ობიექტებში. ამ ნაშრომებიდან ასევე გამოვეყოფი პიოტეზას/მოდელს მზის ატმოსფეროში პირველადი გაცხელების Formation and Primary Heating of the Solar Corona - Theory and Simulation. S.M. Mahajan, R.Miklaszewski, K.I. Nikol'skaya & N.L. Shatashvili. Phys. Plasmas. 8, 1340 (2001) — შემოთავაზებულს ს. მანაჯანთან, კ. ნიკოლსკაიასთან (რუსეთი) და რ. მიკლასევისთან (პოლონეთი) ერთად, რომელშიც შემოთავაზებულ იქნა იდეა პლაზმური დინებების საშუალებით მზეზე გაცხელების პროცესისა. ეს საკითხი ბოლოდროინდელი დაკვირვებებით აბსოლუტურად დამაჯერებელი გახდა. საინტერესოა, რომ იმ პერიოდში (1999-2001 წწ.) ამ სტატიების გამოქვეყნების გამო დიდი დაბრკოლებებიც კი შეგვხვდა, რადგანაც ჯერ კიდევ არ არსებობდა ამის დამადასტურებელი ასტროფიზიკური დაკვირვებები. ასე რომ, რეალურად, თეორიული წინასწარმეტყველება გამოგვივიდა!“, — განაცხადა პროფესორმა ნანა შათაშვილმა. შემდგომში ეს თეორია ქალბატონმა ნანამ ასტროფიზიკური დისკი-ჯეტის სტრუქტურის უნივერსალური მოდელის შემოთავაზებით განავითარა ზენზო იოშიდასთან (ტოკიო, იაპონია) ერთად, რაზეც დღესაც აგრძელებს მუშაობას. რაც შეეხება თბილისის სახელმწიფო უნივერსიტეტში შედგოგიურ მოღ-



ნანა შათაშვილი

ვანეობას, ქალბატონი ნანა ამ მხრივ რამდენიმე ეტაპს გამოჰყოფს: „განსაკუთრებით საინტერესო იყო გაჭირვების წლებში მოღვაწეობა, როდესაც გაუსაძლის პირობებში გვიხდებოდა თსუ-ის პროფესურასა და სტუდენტებს კვლევა და სწავლა. ყველანი აქტიურად ვიყავით ჩართულნი სასწავლო და კვლევით პროცესებში. ასევე საინტერესო იყო განათლების სისტემაში რეფორმების გატარების წლები (2005-2008 წწ.), როდესაც წილად მხვდა იმ ჯგუფში მუშაობა, რომლებმაც თანამედროვე მოთხოვნების გათვალისწინებით განახორციელეს არსებული სასწავლო პროგრამების მოდერნიზაცია ფიზიკის დარგში“, — ამბობს პროფესორი ნანა შათაშვილი, რომელსაც მთელი თავისი პედაგოგიური და სამეცნიერო მოღვაწეობა თსუ-ში აქვს გატარებული: „ჩემი წარმოდგენით უნივერსიტეტის იმიჯს ქმნიან ის წარმატებული მეცნიერები და სტუდენტები, რომლებიც დღეს თსუ-ში მოღვაწეობენ და ასევე ისინიც, რომლებიც უცხოეთის წამყვან აკადემიურ და სამეცნიერო ცენტრებში მოღვაწეობენ. მეამაყება, რომ ამაში დიდი წილი ფიზიკოსებსაც მიუძღვით“, —

აღვნიშნა მან. როგორც მინვეული პროფესორი და მკვლევარი, იგი სხვადასხვა დროს უცხოეთის წამყვან სამეცნიერო ცენტრებსა და სასწავლო დაწესებულებებში მუშაობდა, სადაც ჩართული იყო ყველა საუნივერსიტეტო თუ სამეცნიერო აქტივობაში, მათ შორის: ტოკიოს უნივერსიტეტში (The University Of Tokyo, იაპონია), ჩალმერსის ტექნოლოგიურ უნივერსიტეტში (შვედეთი), აბდუს სალამის თეორიული ფიზიკის საერთაშორისო ცენტრში (Abdus Salam ICTP, ტრიესტი, იტალია), ალკალა დე ჰენარესის უნივერსიტეტში (მადრიდი, ესპანეთი) და ბრიტანეთის კოლუმბიის უნივერსიტეტში (UBC, ვანკუვერი, კანადა).

ფიზიკოსი ნანა შათაშვილი 2009 წლიდან დღემდე არის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის ფიზიკის დეპარტამენტის პროფესორი, ხოლო 2013 წლიდან ამავე დეპარტამენტის ასტროფიზიკის კათედრის გამგე. 2014 წლიდან არის საქართველოს განათლების განვითარების ეროვნული ცენტრის „ავტორიზაციისა და აკრედიტაციის სტანდარტების შემუშავების“ ზუსტ და საბუნებისმეტყველო მეცნიერებათა სამუშაო ჯგუფის კოორდინატორი. მიღებული აქვს სხვადასხვა ჯილდო და სამეცნიერო პრემია.

პროფესორი ნანა შათაშვილი 63 სამეცნიერო პუბლიკაციის ავტორია, მათ შორის მისი 40-მდე პუბლიკაცია გამოქვეყნებულია მაღალი იმპაქტ-ფაქტორის მქონე საერთაშორისო სამეცნიერო ჟურნალებში. არის არაერთი საერთაშორისო კონფერენციისა და თანამშრომლობის პროექტის თანაორგანიზატორი, ასევე მინვეული რეფერის სხვადასხვა მაღალი იმპაქტ-ფაქტორის მქონე სამეცნიერო ჟურნალისა. პროფესორი ნანა შათაშვილი საქართველოს ფიზიკოსთა საზოგადოების წევრი და თბილისის ებრაული სახლის ერთ-ერთი დამფუძნებელია.



პარლამენტის თავმჯდომარის მოადგილე თსუ-ში

ივანე ჯავახიშვილის სახელობის თბილისის სახელმწიფო უნივერსიტეტში საქართველოს პარლამენტის თავმჯდომარის მოადგილე თამარ ჩუგოშვილი სტუდენტებს შეხვდა. პარლამენტის ვიცე-სპიკერმა სტუდენტებს წაუკითხა საჯარო ლექცია „პარლამენტის როლი საჯარო მმართველობის პროცესში“ და ესაუბრა ბოლო დღეებში თბილისში განვითარებულ მოვლენებზე.

სტუდენტებთან ერთად, შეხვედრას ესწრებოდნენ თბილისის სახელმწიფო უნივერსიტეტის რექტორი გიორგი შარვაშიძე, აკადემიური პერსონალი. ლექცია კითხვა-პასუხის რეჟიმში მიმდინარეობდა. პარლამენტარმა მოისმინა სტუდენტების მოსაზრებები და პოზიცია ბოლო დღეებში განვითარებულ მოვლენებზე, უპასუხა მათ კითხვებს.

თამარ ჩუგოშვილის თქმით, „შეხვედრა თბილისის სახელმწიფო უნივერსიტეტის სტუდენტებთან დაგეგმილი გეგმონდა პარლამენტის როლზე სასაუბროდ. თემატიკა ერთ-ერთი ყველაზე მნიშვნელოვანი და საინტერესო სა-

კითხია იმის გათვალისწინებით, რომ ბოლო დღეების განმავლობაში საკმაოდ დაძაბული ვითარება შექმნილი სხვადასხვა თემებთან დაკავშირებით, რომელიც ახალგაზრდებისთვის საინტერესოა“.

„სტუდენტები საკმაოდ აქტიურად ჩაერთნენ დისკუსიაში, გამოხატეს საკუთარი აზრი ქვეყანაში არსებულ მდგომარეობასა და ქვეყნის განვითარების გზებზე. ბევრი საინტერესო საკითხი იყო განხილული. ეს ყველაფერი კეთდება პირველი დემოკრატიული რესპუბლიკის 100 წლის იუბილის ფარგლებში, თბილისის სახელმწიფო უნივერსიტეტმა არაერთ მნიშვნელოვან და საინტერესო ლექციას უმასპინძლა“, — განაცხადა თსუ-ის რექტორმა გიორგი შარვაშიძემ.

დისკუსია საჯარო ლექციების ციკლისა და პირველი დემოკრატიული რესპუბლიკის 100 წლის იუბილის ფარგლებში გაიმართა.

თსუ-ის საზოგადოებასთან ურთიერთობის დეპარტამენტი



თსუ-ში სტუდენტური პროექტების დაფინანსების ხონაურის მესამე ეტაპი დაიწყო



ივანე ჯავახიშვილის სახელობის თბილისის სახელმწიფო უნივერსიტეტის სტუდენტური პროექტების დაფინანსების კონკურსის მესამე ეტაპი დაიწყო და 5 ოქტომბრამდე გაგრძელდება. მესამე ეტაპზე შემოსულ სამეცნიერო და კულტურულ/სპორტულ/საგანმანათლებლო სტუდენტურ პროექტებს 20 ოქტომბრამდე განიხილავს სტუდენტური პროექტების დაფინანსების განმსაზღვრელი საბჭო.

სტუდენტური პროექტის წარდგენა შეუძლია ივანე ჯავახიშვილის სახელობის

თბილისის სახელმწიფო უნივერსიტეტის აქტიური სტატუსის მქონე სამივე საფეხურის სტუდენტს ან სტუდენტთა ჯგუფს.

თსუ-ის რექტორის გიორგი შარვაშიძისა და თსუ-ის ადმინისტრაციის ხელმძღვანელის ნუნუ ოვსიანიკოვას 2018 წლის 29 იანვრის ერთობლივი ბრძანებით, დამტკიცდა სტუდენტური პროექტების დაფინანსების განმსაზღვრელი საბჭოს ახალი შემადგენლობა, რომლის თავმჯდომარეა თსუ-ის ფსიქოლოგიისა და განათლების მეცნიერებათა ფაკულტეტის დეკანი თამარ გაგოშიძე.





# ამერიკისმცოდნეობის მე-6 ყოველწლიური სტუდენტური სამეცნიერო კონფერენცია

თამარ ლალიანი

**30** აპრილს თსუ-ის ამერიკისმცოდნეობის სტუდენტთა სამეცნიერო კონფერენცია დაიწყო. ამერიკისმცოდნეობის ინსტიტუტისა და ამერიკის შესწავლის საქართველოს ასოციაციის ორგანიზებით ამერიკისმცოდნეობის მე-6 ყოველწლიური სტუდენტური სამეცნიერო კონფერენცია — „ამერიკის შეერთებული შტატების საგარეო პოლიტიკა ვუდროუ ვილსონის თოთხმეტი პუნქტის წარდგენიდან დღემდე“ გაიმართა.

ღონისძიება ვუდროუ ვილსონის 14 პუნქტის წარდგენისა და ივანე ჯავახიშვილის სახელობის თბილისის სახელმწიფო უნივერსიტეტის დაფუძნების 100 წლისთავს მიეძღვნა.

კონფერენციაში თბილისის სახელმწიფო უნივერსიტეტის, შავი ზღვის საერთაშორისო უნივერსიტეტისა და სამცხე-ჯავახეთის სახელმწიფო უნივერსიტეტის სხვადასხვა აკადემიური მიმართულებისა და საფეხურის სტუდენტები მონაწილეობდნენ. კონფერენციის მოსწესნებების თემატიკა ვუდროუ ვილსონის 14 პუნქტის წარდგენის (1918 წ.) შემდეგ შეერთებული შტატების საგარეო პოლიტიკის სფეროს სხვადასხვა საკითხს მოიცავდა.

სტუდენტებმა კონფერენციაზე წარმოდგენილ მოხსენებებში განიხილეს ვუდროუ ვილსონის მოღვაწეობა, 14 პუნქტის წარდგენიდან დღემდე აშშ-ში განვითარებული მოვლენები, აშშ-საერთაშორისო დიპლომატიური ურთიერთობები 1990 წლების დასაწყისში და ქვეყნის საგარეო პოლიტიკის საკითხები.

კონფერენცია გახსნა თსუ-ის ამერიკისმცოდნეობის სტუდენტთა სამეცნიერო წრის ხელმძღვანელმა მარიამ ხატიაშვილმა, რომელმაც აღნიშნა, რომ: „კონფერენციაზე წარმოდგენილი მოხსენებების თემატიკა ეფუძნება ამერიკის შეერთებული შტატების საგარეო პოლიტიკის სფეროში მიმდინარე სხვადასხვა მოვლენის თუ ისტორიული შემთხვევის ანალიზს, ასევე, ვუდროუ ვილსონის 14 პუნქტის წარდგენიდან დღემდე აშშ-სა და მსოფლიოს სხვადასხვა ქვეყნის ურთიერთობების მიმოხილვას“.

მონაწილეებს მიესალმნენ თსუ-ის რექტორი გიორგი შარვაშიძე, ამერიკისმცოდნეობის ინსტიტუტის ხელმძღვანელი და ამერიკის შესწავლის საქართველოს ასოციაციის დირექტორი ვასილ კაჭარავა, ჰუმანიტარულ მეცნიერებათა ფაკულტეტის დეკანის მოადგილე, პროფესორი თეიმურაზ პაპასქირი, ამერი-

კისმცოდნეობის სამაგისტრო და სადოქტორო პროგრამების ხელმძღვანელი ელენე მექმარიანიშვილი, რომლებმაც ხაზი გაუსვეს სტუდენტების აქტიურ ჩართულობას და მათი მოხსენებების მრავალფეროვან თემატიკას.

ამერიკისმცოდნეობის ინსტიტუტის ხელმძღვანელმა ვასილ კაჭარავამ თემატიური კონფერენციების ჩატარების მნიშვნელობაზე ისაუბრა: „ვილსონი დიდი პოლიტიკოსი და გამორჩეული პიროვნება იყო, რომელმაც მთელი თავისი ინტელექტი და იდეალიზმი ამერიკულ პოლიტიკაში ჩააქსოვა. ამან ხშირად დადებითი როლიც ითამაშა, მაგრამ ხშირად მწარე გაკვეთილიც გახდა, რადგან პოლიტიკა იდეალისტების ადგილი არ არის. ერთი ძალიან ცნობილი ანეკდოტი გამახსენდა ამ თემასთან დაკავშირებით: ვილსონს სამოთხეში შეხვდა მოსე და უთხრა: მისტერ ვილსონ, ეს რა უქნეს თქვენს 14 პუნქტს, რა დღეში ჩააგდესო. ვილსონმა უპასუხა: ბატონო მოსე, ჩემი 14 პუნქტი რა მოსატანია, თქვენს 10 მცნებას რა უყვეს ამ დედამიწაზე, ის ნახეთო.“

თანამედროვე მსოფლიო დღესაც, გარკვეულწილად, ვუდროუ ვილსონის შემუშავებულ 14 პუნქტზე დგას. მათგან უმნიშვნელოვანესია პუნქტი — ერთა თვითგამორკვევა, რომელსაც დიდ პოლიტიკაში სწორედ ვუდროუ ვილსონმა გაუხსნა გზა. თვითგამორკვევის პრინციპზე შეიქმნა დამოუკიდებელი სახელმწიფოები. იმავე პრინციპზე აღადგინა თავისი დამოუკიდებლობა საქართველომაც. ასე რომ, ეს საკითხი დღესაც აქტუალურია და კარგია, რომ ჩვენი ახალგაზრდობა ამ თემების განსახილველად კარგად მოემზადა“.

ამერიკისმცოდნეობის სამაგისტრო და სადოქტორო პროგრამების ხელმძღვანელმა ელენე მექმარიანიშვილმა კონფერენციაზე წარმოდგენილი მოხსენებების ხარისხს გაუსვა ხაზი და აღნიშნა, რომ ყოველწლიურად იზრდება სტუდენტთა ჩართულობა სამეცნიერო პროექტებში, რაც მათთვის დიდი სტიმულია საკუთარი ძალების მოსასიხვად სამეცნიერო საქმიანობაში. „საუკეთესო მოხსენებების ავტორებს უფლება ეძლევათ, მონაწილეობა მიიღონ საერთაშორისო სამეცნიერო კონფერენციებში. აქტიურად მონაწილეობენ ძირითადად ის სტუდენტები, რომლებსაც მომავალში სამეცნიერო მუშაობის გაგრძელება სურთ. განსაკუთრებით იაქტიურებს ბაკალავრიატის სტუდენტებმა, რომლებიც პირველ ნაბიჯებს დგამენ სამეცნიერო მიმართულებით“.



კონფერენციის საზეიმო გახსნის შემდეგ, პლენარულ სესიონზე მოხსენებით წარდგა აშშ-ის საზღვაო ქვეითების ატაშე მაიორი ბრედ ფულცი, რომელმაც საინტერესო პრეზენტაცია წარმოადგინა თემაზე: „ვუდროუ ვილსონის 14 პუნქტი და ერთა ლიგა: საერთაშორისო და შიდასახელმწიფოებრივი დაბრკოლებები“. პრეზენტაცია ეხებოდა ვილსონის 14 პუნქტის მიღებასთან დაკავშირებულ საერთაშორისო და შიდასახელმწიფოებრივ დაბრკოლებებსა და მის თანმდევ პროცესებს საერთაშორისო ურთიერთობების სფეროში.

ივანე ჯავახიშვილის სახელობის თბილისის სახელმწიფო უნივერსიტეტის ამერიკისმცოდნეობის სტუდენტთა სამეცნიერო წრის თავმჯდომარემ მარიამ ხატიაშვილმა პლენარულ სესიონზე ისაუბრა თანამედროვე ამერიკის საგარეო პოლიტიკის ფორმირებისა და განხორციელების საკითხებზე. მან ყურადღება გაამახვილა აშშ-ის საგარეო პოლიტიკის მრავალმხრივ სისტემასა და ამ შრეების ურთიერთქმედების როლზე, ასევე, აშშ-ის სახელმწიფო დეპარტამენტის საგარეო პოლიტიკის მკვლევართა 2017 წლის გაცვლით პროგრამაში გამარჯვებისა და შეერთებულ შტატებში ამ პროგრამაში მონაწილეობისას მიღებული პირადი გამოცდილების შესახებ, რომლის ერთ-ერთ ნაწილსაც ამერიკისმცოდნეობის ეს წლებიდანელი კონფერენცია წარმოადგენს.

სამცხე-ჯავახეთის სახელმწიფო უნივერსიტეტის სტუდენტმა მარიამ სუდაძემ კი განაცხადა: „კონფერენციაზე წარმოდგენილი მქონდა თემა, რომლის სათაურიც იყო — „ვუდროუ ვილსონის 14 პუნქტი და მისი თანმდევი შედეგი მსოფლიო მშვიდობის დამყარებაში“. თემის შერჩევაში დამეხმარა ჩემი ხელმძღვანელი ბატონი დავით სოსელია. მუშაობის პროცესში ბევრი ისეთი საინტერესო ინფორმაცია გავიგე, რომელიც

შემდგომ პროფესიულ საქმიანობაში გამომადგება“.

წლებიდანელი კონფერენციაზე 10 საუკეთესო მოხსენება შეირჩა. კონფერენციის მთავარი თემის ფარგლებში, სტუდენტებმა საკმაოდ მრავალფეროვანი თემატიკა წარმოადგინეს. ისინი დაინტერესდნენ ისეთი კონკრეტული საკითხებით, როგორცაა „ვუდროუ ვილსონი და პოლკოვნიკი ჰაუსი: შეერთებული შტატების ჩაბმა პირველ მსოფლიო ომში“ (მომხსენებელი რუსუდან ცაგარელი); „რონალდ რეიგანის რადიომიმართვები ერის მიმართ ბირთვული იარაღის შესახებ“ (მომხსენებელი ნიკა კრანაშვილი); „აშშ-ის დიპლომატიური ურთიერთობები 1990 წლების დასაწყისში“ (მომხსენებელი ანი მღებრიშვილი) და სხვ.

კონფერენციის განმავლობაში მუშაობდა ორი სექცია: „ამერიკის შეერთებული შტატების საგარეო პოლიტიკა ვუდროუ ვილსონის 14 პუნქტის წარდგენიდან დღემდე: ისტორიული პიროვნებები და მოვლენები“ და „ამერიკის შეერთებული შტატების საგარეო პოლიტიკა ვუდროუ ვილსონის 14 პუნქტის წარდგენიდან დღემდე: საკითხები და ტენდენციები“.

## 1856 წელს დაბადებული ვუდროუ ვილსონის ცხოვრების საინტერესო ფაქტები

ვუდროუ ვილსონი 1913 წელს ამერიკის პრეზიდენტი გახდა. იყო ძლიერი საპრეზიდენტო ხელისუფლების მომხრე. აღსანიშნავია მისი სამეცნიერო მოღვაწეობაც. 1902 წელს ის პრინსტონის უნივერსიტეტის პრეზიდენტად დაინიშნა. სულ მალე, ვილსონის წყალობით, პრინსტონი პრესტიჟული სასწავლებლიდან ერთ-ერთ ნამყვეან სასწავლო და სამეცნიერო ცენტრად გადაიქცა. უნივერსიტეტის პრეზიდენტობის ბოლო წლებში მას სულ უფრო მეტად აინტერესებდა დიდი პოლიტიკა. მისი წარმატებული მოღვა-

წეობა შენიშნა დემოკრატიულმა პარტიამ, საპრეზიდენტო კანდიდატად დაასახელა და გაიმარჯვა კიდეც.

შთაბეჭდავია ვილსონის საგარეო საქმიანობაც. პირველ მსოფლიო ომში იგი ერთ-ერთი ყველაზე აქტიური ლიდერი იყო, რომელმაც დაზავებისკენ დიდი ნაბიჯები გადადგა. 1918 წელს ვილსონი პარიზში სამშვიდობო კონფერენციაზე გაემგზავრა, სადაც 23 ქვეყნის დელეგატი იმყოფებოდა. ვილსონმა პირველ მსოფლიო ომს „ომი გამარჯვებულის გარეშე უნდა და გერმანიის მიმართ საკმაოდ ლოიალური ზომების მიღებას ვარაუდობდა. მან წარმოადგინა ე.წ. „14-პუნქტიანი გეგმა“, რომელიც წარმოადგენდა ომის შემდგომი მსოფლიოს მისეულ ხედვას. 14 პუნქტი გერმანიისთვის არ იყო მიიმე სასჯელი, თუმცა ეს გეგმა მოკავშირეებს არ მოსწონდათ. მათ გერმანიის სრული კაპიტულაცია უნდოდათ. საფრანგეთის პრემიერ-მინისტრი ჟორჟ კლემანსო ვილსონის 14 პუნქტს იდეალისტურ უაზრობად მიიჩნევდა და სარკასტულად ამბობდა: „ბატონი ვილსონი თავს მატუზრებს თავისი 14 პუნქტით, მაშინ, როდესაც თვით ყოველისზემდე უფალიც კი ათით კმაყოფილედა“. მიუხედავად იმისა, რომ პარიზის საზავო ხელშეკრულებამ არ გაითვალისწინა ვუდროუს შემოთავაზება, ერები მთავარზე — ერთა ლიგის შექმნაზე დათანხმდნენ. ვილსონი სამშობლოში დაბრუნდა, რათა ერთა ლიგის წევრობაზე კონგრესის მხარდაჭერა მოეპოვებინა. შტატებში საზოგადოების დიდი ნაწილი თვლიდა, რომ რაიმე ტიპის ევროპულ ორგანიზაციაში გაწევრიანება ნიშნავდა აშშ-ს ჩარევას ევროპულ პრობლემებსა და კონფლიქტებში. 1920 წელს სენატმა ვეტო დააღწა აშშ-ს ერთა ლიგაში გაწევრიანებას, რითიც ამერიკამ კიდეც ერთ-ხელ აირჩია იზოლაციონიზმის პოლიტიკა.

## თსუ-ის მაგისტრანტები ბერნის უნივერსიტეტში

მიმდინარე წლის 13-27 მარტს თსუ-ს და საერთაშორისო პროექტის — „მთიანი ტერიტორიების მდგრადი განვითარება“ (SCOPEs) — თანადაფინანსებით ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის ლანდშაფტური დაგეგმარების სამაგისტრო პროგრამის (ხელმძღვანელი: პროფესორი ნოდარ ელიზბარაშვილი) II კურსის სტუდენტები თეონა ქობალია, ნათია მელაძე და სანდრო გოგოლაძე გაცვლი-

თი პროგრამის (კურატორი: დოქტორი ჰენო მესენი) ფარგლებში იმყოფებოდნენ ბერნის უნივერსიტეტში (შვეიცარია). მათ ამავე უნივერსიტეტის გარემოს და განვითარების ცენტრში (CDE) წარადგინეს რამდენიმე პრეზენტაცია, რომელიც ეხებოდა სამაგისტრო ნაშრომის თემატიკას. პრეზენტაციის განხილვაში მონაწილეობა მიიღეს ბერნის უნივერსიტეტის აკადემიურმა პერსონალმა, ექსპერტებმა და სტუდენტებმა. ქართველი მაგისტრანტები დაესწრნენ რამდენიმე ლექციას



ბერნის უნივერსიტეტის სამეცნიერო-კვლევით ინსტიტუტში, მონაწილეობა მიიღეს მდგრად ტურიზმთან დაკავშირებულ საკულ-

სასწავლო კურსის პრაქტიკულ მეცადინეობაში ზამთრის კურორტ კანდერშტაგში (ბერნის კანტონი), შეხვდნენ ადგილობრივ ფრმე-

რებს და მოსახლეობას, ჩაატარეს სოციო-ეკოლოგიური გამოკითხვა. ქართველი სტუდენტებისთვის ძალზე მნიშვნელოვანი იყო ის ინფორმაცია, რომელიც მიიღეს მთის ტურიზმის, მთის სამართლებრივი რეგულაციების და მთის ტყეების არამერქნული რესურსების გამოყენების შესახებ შვეიცარიაში არსებული გამოცდილების ფარგლებში, რაც დიდ დახმარებას გაუწევს მათ სამაგისტრო ნაშრომების მომზადებაში.

**ნათია მელაძე, თეონა ქობალია, თსუ-ის ზუსტი და საბუნებისმეტყველო მეცნიერებათა ფაკულტეტის მაგისტრანტური II კურსი**





# უკროვის დღეები 2018

„უკროვის დღეები 2018“-ის ფარგლებში ივანე ჯავახიშვილის სახელობის თბილისის სახელმწიფო უნივერსიტეტის სტუდენტებს საქართველოს პარლამენტის თავმჯდომარის კაბინეტის უფროსი ნიკოლოზ სამხარაძე და ევროპარლამენტში საქართველოს მეგობრობის ჯგუფის წევრები ქლერ მუდი, მიჰაილ გალერი და რომან სტრასერი შეხვდნენ.

შეხვედრაში მონაწილეობდა თსუ-ის რექტორის მოადგილე ალექსანდრე ცისკარიძე. მისი თქმით, — „სტუდენტების მხრიდან საინტერესო კითხვები დაისვა და აქტუალური საკითხები წამოიჭრა. სტუდენტების კითხვებზე პასუხები სტუმრების მხრიდან იყო ამომწურავი. ასეთი შეხვედრები ევროკავშირისკენ გადადგმული კიდევ ერთი ნაბიჯია“, — განაცხადა თსუ-ის რექტორის მოადგილემ.

შეხვედრაზე სტუმრებმა სტუდენტებთან ერთად ისაუბრეს საქართველოს საგარეო პრიორიტეტებზე, ჩვენი ქვეყნის ევროპასთან ინტეგრაციის პროცესზე და იმ მიდგომებსა და მოსაზრებებზე, რომლებიც ევროკავშირში არსებობს საქართველოს ევროპულ პერსპექტივაზე.



„დღეს გვექონდა ძალიან კარგი შედეგები, გასაუბრებოდით თბილისის სახელმწიფო უნივერსიტეტის სტუდენტებს. ვისაუბრეთ საქართველოში და ევროკავშირის ურთიერთობებზე, იმ მიზეზებზე, თუ რატომ ვართ საქართველოში. თუმცა, ჩვენთვის უფრო მნიშვნელოვანი იყო, გაგვეგო სტუდენტების მოლოდინები — თუ რას ელიან ისინი საქართველოსა და ევროკავშირის ურთიერთობებისგან. ვფიქრობ, რომ ძალიან ნაყოფიერი შეხვედრა გამოვიდა და სტუდენტებიც კმაყოფილები დარჩნენ ჩვენთან საუბრით“, — აღნიშნა ევროპარლამენტში საქართველოს მეგობრობის ჯგუფის წევრმა ქლერ მუდიმ.

იმ მიზეზებზე, თუ რატომ ვართ საქართველოში. თუმცა, ჩვენთვის უფრო მნიშვნელოვანი იყო, გაგვეგო სტუდენტების მოლოდინები — თუ რას ელიან ისინი საქართველოსა და ევროკავშირის ურთიერთობებისგან. ვფიქრობ, რომ ძალიან ნაყოფიერი შეხვედრა გამოვიდა და სტუდენტებიც კმაყოფილები დარჩნენ ჩვენთან საუბრით“, — აღნიშნა ევროპარლამენტში საქართველოს მეგობრობის ჯგუფის წევრმა ქლერ მუდიმ.

თსუ-ის საერთაშორისო სამართლის მიმართულების სტუდენტის ვაჟა დათუაშვილის თქმით, სტუდენტებმა დასმულ შეკითხვებზე ამომწურავი და საინტერესო პასუხები მიიღეს. „დღევანდელი შეხვედრა მნიშვნელოვანი იყო როგორც სახელმწიფოებრივი თვალსაზრისით, ისე უნივერსიტეტის ჩრილში. სტუმრად გვეყვდნენ მნიშვნელოვანი სტუმრები ევროპარლამენტიდან. სტუდენტებმა დაეფიქსირეთ ჩვენი პოზიცია იმ მწვავე პრობლემებთან დაკავშირებით, რომლებიც საქართველოს წინაშე დგას. ვფიქრობ, ძალიან მნიშვნელოვანი და სწორი პასუხები მივიღეთ სტუმრებისგან და ვიმედოვნებთ, რომ მომავალშიც ხშირად იქნება მსგავსი დისკუსიები“.

ევროპარლამენტში საქართველოსთან მეგობრობის ჯგუფის მმართველი საბჭო ევროპარლამენტში არსებული ყველა ძირითადი პოლიტიკური ჯგუფიდან აერთიანებს წევრებს. ჯგუფის საქმიანობის მთავარი მიზანია იმ კავშირების გამყარება, რაც უკვე არსებობს ევროკავშირს, ევროპარლამენტსა და საქართველოს შორის.

## მიხვლულია ანდრია ბენაშვილის საფლავი

წელს სრულდება პირველი ქართული უნივერსიტეტის ერთ-ერთი დამაარსებლის, ცნობილი მეცნიერისა და საზოგადო მოღვაწის ანდრია ბენაშვილის დაბადების 150 წელი. რამდენად სიმბოლურია, რომ სწორედ წელს მოიძებნა ამდენი ხნით მივინყებულ მისი საფლავი.

ანდრია ბენაშვილი გარდაიცვალა 1941 წლის 22 ივნისს ქ. სოხუმში. მისი ცხედარი ჩამოასვენეს თბილისში და დაკრძალეს ვაკის პანთეონში. ამის შესახებ არაერთ გამოცემაშია მითითებული, თუმცა, ზუსტად, სად მდებარეობდა მისი საფლავი, თანამედროვეთაგან არავინ არც მისმა შთამომავლებმა იცოდნენ. არა ერთხელ სცადეს ა. ბენაშვილის საფლავის მიკვლევა, თუმცა უშედეგოდ. ნათქვამია, თუ ძალიან მოინდომებდა ცოტა ბედიც გაგიმართლებს, მიზანს მიაღწევო. ასე იყო ჩვენს შემთხვევაშიც. გაზეთში ნაკითხულმა ერთმა პატარა ხელმოსაჭივამ ცნობამ და ვაკის სასაფლაოზე მომუშავე რამდენიმე ადამიანის გულისხმიერებამ შეგვაძლევინა ამ დიდი ადამიანის საფლავის მიკვლევა.

რკინის გისოსებით შემოზღუდული ანდრია ბენაშვილის საფლავი მოკრძალებული და სადაა, რომელიც არაფრით განსხვავდება მიმდებარე საფლავებისაგან. უფრო მეტიც, შავი მარმარილოებით მოპირკეთებულ მრავალ საფლავთა შორის იგი უფერულად და სავალალოდაც კი გამოიყურება. კართან იასამნის ბუჩქის ნაყარია, საფლავის მთელ სივრცეზე კი ბალახებია მოდებული. მხოლოდ გისოსებზე მიმაგრებული ქვის დაფა გვამცნობს, რომ აქ ღვანლმოსილი ადამიანის ნეშტი განისვენებს. დაფაზე ორი წარწერაა: ერთი ქართულად — „დამსახურებული მეცნიერი, მოღვაწე, პროფესორი ანდრია მიხეილის ძე ბენაშვილი (1867-1941)“ და მეორე რუსულად — „ზინაიდა მიხეილის ასული ბენაშვილი (1866-1948)“.

ალსანიშნავია, რომ ანდრია ბენაშვილის დაბადების წლად აქ მითითებულია „1867“. ეს თარიღი უთუოდ მცდარია. თითქმის ყველა გამოცემაში მისი დაბადების თარიღად 1868 წელია მითითებული. და რაც მთავარია, თვით ა. ბენაშვილი თავის ავტობიოგრაფიაში 1868 წელს მიუთითებს.

ანდრია ბენაშვილმა საუცხოო განათლება მიიღო. ჯერ თბილისის კადეტთა კორპუსი, შემდეგ მოსკოვის სამხედრო-საუნეველო სასწავლებელი, რუსეთის იმპერიის გენერალური შტაბის ნიკოლაევის აკადემიის გეოდეზიური განყოფილება. შემდეგ პულკოვოს ობსერვატორიაში გაიარა პრაქტიკული კურსი და დაიცვა დისერტაცია. ეს კი მხოლოდ რჩეულთა ხვედრი იყო. მუშაობდა პეტერბურგის ტრიანგულაციის დასავლეთის სასაზღვრო სივრცის სამმართველოს უფროსის თანაშემწედ, კამიშინსკის 404-ე ფეხოსანთა პოლკის მეთაურად, 105-ე ფეხოსანთა დივიზი-

ის კორპუსის მეთაურად და კიდევ სხვა მნიშვნელოვან თანამდებობებზე.

საქართველოში მის დაბრუნებას დაემთხვა ორი მნიშვნელოვანი მოვლენა: 1918 წლის 8 თებერვალს (ძვ. სტ. 26 იანვარს) დაარსდა კავკასიაში პირველი ქართული უნივერსიტეტი, ხოლო 26 მაისს საქართველო დამოუკიდებელ რესპუბლიკად გამოცხადდა. ორივე უმნიშვნელოვანესი ქართული დღესასწაული იყო, რომელშიც მონაწილეობა არ შეიძლებოდა არ მიეღო ისეთ პატრიოტ პიროვნებას, როგორც ა. ბენაშვილი იყო.

ი. ჯავახიშვილსა და ა. ბენაშვილს დიდი ხნის ნაცნობობა აკავშირებდათ. მომავალი უნივერსიტეტის დაარსებით გულანთებული დიდი ივანე, რა თქმა უნდა, ეძებდა მაღალკვალიფიციურ კადრებს უნივერსიტეტისათვის და ასტრონომია-გეოდეზიისათვის იმ პერიოდში, ანდრია ბენაშვილზე უკეთესს, ვერც იპოვიდა.

დიდი წვლილი მიუძღვის ა. ბენაშვილს პირველი ქართული უნივერსიტეტისა და სხვა უმაღლესი სასწავლებლების დაარსებაში, მათ სტრუქტურულ მონაწილეობაში, სასწავლო-სამეცნიერო მოღვაწეობის სრულყოფაში, საქართველოში ასტრონომიული, გეოდეზიურ-ტოპოგრაფიული საქმიანობის განვითარებაში. ა. ბენაშვილი გახდა ქართულ უნივერსიტეტში 1918 წელს დაარსებული ასტრონომიისა და გეოდეზიის კათედრის პირველი გამგე, ხოლო 1920 წელს სამათემატიკო-საბუნებისმეტყველო ფაკულტეტის დეკანი. 1919 წლის 17 დეკემბერს კი ა. ბენაშვილი ხელმძღვანელობდა უნივერსიტეტის პროფესორთა გაგეგმვის იმ სხდომას, რომელმაც უნივერსიტეტის რექტორად აირჩია ივანე ჯავახიშვილი.

1918 წელს ა. ბენაშვილმა უნივერსიტეტში დააარსა ასტრონომიისა და გეოდეზიის კათედრა. სწორედ აქედან დაედო სათავე საუნივერსიტეტო გეოდეზიისა და კარტოგრაფიის სწავლებას. გეოგრაფიისა და კარტოგრაფიის განვითარების თვალსაზრისით, უდიდესი მნიშვნელობა ჰქონდა გეოგრაფიის ინსტიტუტის დაარსებას უნივერსიტეტის ბაზაზე.

ა. ბენაშვილის საქმიანობა მხოლოდ უნივერსიტეტში მოღვაწეობით როდი შემოიფარგლებოდა. იგი გახდა იმ სამხედრო სკოლის უფროსი, რომელიც, დამოუკიდებლობის გამოცხადების შემდეგ, საქართველოში არსებულ ნაცვალთა სკოლის ბაზაზე დაარსდა. სამხედრო სკოლაში პროფესორებად ცნობილი პიროვნებები მოღვაწეობდნენ, ესენი არიან: გენერალი გიორგი კვინიტაძე, პროფესორი ივანე ჯავახიშვილი, მწერალი ვასილ ბარნაველი (ბარნოვი) და სხვანი.

1919-1923 წლებში ა. ბენაშვილი ტფილისის ობსერვატორიის დირექტორია. მას ომის შემდგომ გაპარტახებული დაწესებულების აღდგენა ერგო წილად. მან ხელახლა შექმნა სეისმური



და სინოპტიკური განყოფილებები. მისი თაოსნობით კვლავ გამოდის „წლიური მეტეოროლოგიური ბიულეტენი“. ეს ბიულეტენები იმდროინდელ პრესაშიც იბეჭდებოდა. კიდევ ერთი მნიშვნელოვანი ნაბიჯი, რომელიც მან ობსერვატორიის დირექტორის თანამდებობაზე გადაგა, უკავშირდება კადრების საკითხს. მან ობსერვატორიაში სამუშაოდ მოიწვია ქართველი სპეციალისტები.

ა. ბენაშვილი იღვწის, რათა ობსერვატორია უნივერსიტეტს გადაეცეს. ეს გაზრდიდა სტუდენტთა ჩართულობას პრაქტიკულ საქმიანობაში და ხელს შეუწყობდა მათ პროფესიულ ზრდას. 1919 წლის 19 მარტს სამათემატიკო-საბუნებისმეტყველო და სამეურნალო ფაკულტეტის სხდომაზე მოხსენება გააკეთეს პროფ. პ. მელიქიშვილმა და პროფ. ა. ბენაშვილმა. ამ მოხსენებების საფუძველზე მეორე დღეს, 1919 წლის 20 მარტს პროფესორთა საბჭომ გადაწყვიტა — მიემართა განათლების სამინისტროსათვის, რომ მას, სათანადო განკარგულებით, „ტფილისის ფიზიკური ობსერვატორია მთელი თავისი უძრავ-მოძრავი ქონებით“ გადაეცა უნივერსიტეტისათვის.

1919-1922 წლებში ა. ბენაშვილი ხელმძღვანელობს კავკასიის სამხედრო შტაბის ტოპოგრაფიულ განყოფილებას. მასთან მუშაობდნენ: ევ. ბარამიძე (ივ. ჯავახიშვილის რუკების დამხაზველი), აგრეთვე შემდგომში ცნობილი გეოდეზისტები და კარტოგრაფები: ს. ცხაკაია (თანამედროვე ქართული კარტოგრაფიის ფუძემდებელი), გრ. ხუნჯუა, გ. ქავთარაძე, მ. ქავთარაძე (პირველი ქართული გლობუსის შემდგენელი) და სხვანი. სამხედრო ტოპოგრაფიულმა განყოფილებამ უდიდესი როლი შეასრულა მაღალკვალიფიციური გეოდეზისტებისა და კარტოგრაფების აღზრდის საქმეში. თანამშრომელთა ნაწილი შემდგომ მუშაობას იწყებს უნივერსიტეტში, რაც მნიშვნელოვანი იყო ახალგაზრდა კადრების აღზრდისათვის.

იმ ხანად სამხედრო ტოპოგრაფიული განყოფილება, ფაქტობრივად, ერ-

თადერთი დაწესებულება იყო, რომელიც ასორცილებდა გეოდეზიურ და ტოპოგრაფიულ სამუშაოებს. ნიშანდობლივია, რომ ივ. ჯავახიშვილის „საქართველოს საზღვრების რუკა“, რომელიც თან უნდა დართოდა მის-სავე ნაშრომს „საქართველოს საზღვრები ისტორიულად და თანამედროვე თვალსაზრისით განხილული“ (1919 წ.), სწორედ აქ, ტოპოგრაფიულ განყოფილებაში დამზადდა. ამის შესახებ თვით ივ. ჯავახიშვილი წერდა: „ამ მონოგრაფიას დართული აქვს რუკა, რომელიც დამზადებულია სამხედრო სამინისტროს ტოპოგრაფიულ განყოფილების მიერ, რისთვისაც მის უფროს პროფ. გენ. ან. ბენაშვილს და ტოპოგრაფიულ განყოფილებას დიდს მადლობას მოვასენებ“-ო.

კიდევ სხვა ბევრის თქმა შეიძლება ანდრია ბენაშვილზე — მის ღვაწლზე, სამხედრო, სამეცნიერო თუ პედაგოგიურ მოღვაწეობაზე, მაგრამ ამას საგანგებოდ სივრცე ვერ დავთმევ. ყველაფერი კი მის ღრმადგანსწავლულობასა და პიროვნულ ღირსებებზე მივყავიშვებენ.

ვიმედოვნებთ, რომ 2018 წლის შემდგომას, როცა დაგეგმილია ანდრია ბენაშვილის დაბადების 150 წლის იუბილეს აღნიშვნა, უნივერსიტეტი ღირსეულად შეხვდება და იგი სათანადო პატივს მიაგებს ღვანლმოსილ ადამიანს. არჩევანი კი ორია: კეთილმოეწყოს ა. ბენაშვილის საფლავი იქ, სადაც იგი ამჟამად განისვენებს, ან როგორც ერთი ერთი დამაარსებელი, გადმოასვენონ უნივერსიტეტის პანთეონში.

ცნობილია, რომ ა. ბენაშვილმა გაიზიარა ივანე ჯავახიშვილის ბედი. 1931 წელს მას უნივერსიტეტი დაატოვებინეს, რადგანაც იგი „რომანოვების ტახტის მსახურად“ მიიჩნიეს. მას შემდეგ მას ფეხი აღარ შეუდგამს ცოდნის ტაძარში. ალბათ, დროა, ანდრია ბენაშვილი დაბრუნდეს უნივერსიტეტში.

დალი ნიკოლაიშვილი,  
მაია გურაბანიძე,  
დავით სარტიანი





# „საქართველოს ლომონოსოვი“

ზიდ ქიმიკოსს, ევროპაში სახელგანთქმულ მეცნიერს, პროფესორ ვასილ პეტრიაშვილს, მისი მოღვაწეობის დასაწყისში, მენდელეევი ახალგაზრდა მეცნიერებიდან ყველაზე ნიჭიერად და პერსპექტიულად მიიჩნეოდა. ვ. პეტრიაშვილი გახლდათ უმაღლესი სასწავლებლის, ოდესის (ნოვოროსიის) უნივერსიტეტის რექტორი, იგი იყო პირველი ქართველი, რომელიც უმაღლესი სასწავლებლის რექტორად აირჩიეს. მან დაგვიტოვა მეტად საჭირო სამეცნიერო წიგნები და წერილები ქართულ ენაზე. ტექნიკური ტერმინებით გაამდიდრა ქართული ენა.



ვასილ პეტრიაშვილი

მისი ოცნება იყო თავის ქვეყანაში უმაღლესი სასწავლებლის დაარსება. ვ. პეტრიაშვილის მოღვაწეობამ დიდად შეუწყო ხელი ქართული უნივერსიტეტის ჩამოყალიბების საქმეს. მისი ავტორიტეტი და სახელი იმდენად დიდი იყო, რომ, ქართველ გამოჩენილ მოღვაწეთა აზრით, ქართული უნივერსიტეტის სათავეში უნდა მდგარიყო ვასილ პეტრიაშვილი.

„მე რომ დაჯილდოებული ვყოფილიყავი პოეტური ნიჭით და მიზნად დამესახა — მომეცა სახე ყველა საუკეთესო ზნეობრივი თვისებით აღჭურვილი ადამიანისა, რომელშიც განსახიერებული უნდა ყოფილიყო გულკეთილობა შერთებულ ჭკუასთან, მე გამოვსახავდი ვასილ მოსეს ძე პეტრიაშვილს“, — წერდა პეტრე მელიქიშვილი.

თბილისთან ახლოს, თელეთისა და კუმისის მიმდებარე სოფელ წალასყურში, 1842 წელს დაბადებულ ვასილ მოსეს ძე პეტრიაშვილს დედა ოთხი წლის ასაკში გარდაეცვალა. მამა სოფლის მღვდელი, საკმაოდ მნიშვნელოვანი და კეთილი პიროვნება ყოფილა.

8 წლის ვასომ, მამის დახმარებით, დაიწყო წერა-კითხვის შესწავლა. ქართულს მეტ დროს ანდომებდა, მაგრამ პარალელურად რუსულს ათვისებდასაც შეუდგა.

11 წლის ვასო მამამ თბილისის სასულიერო სემინარიაში მიიბარა. აქ იაკობ გოგებაშვილი მუშაობდა და დიდმა პედაგოგმა მალევე დაიხლოვა ნიჭიერი ბავშვი.

სასულიერო სემინარიის დამთავრების შემდეგ, ვასომ გადაწყვიტა სწავლა ოდესის (ნოვოროსიის) უნივერსიტეტში გაეგრძელებინა. პირველად იგი იურიდიულ ფაკულტეტზე ჩაირიცხა, თუმცა მალევე გადავიდა ფიზიკა-მათემატიკის ფაკულტეტის საბუნებისმეტყველო განყოფილებაზე სწავლის გასაგრძელებლად. 1870 წელს ამთავრებს უნივერსიტეტს და სარბიელად ქიმიას ირჩევს. მას ტოვებენ უნივერსიტეტში ტექნიკური ქიმიის კათედრის ლაბორანტად. 1873 წელს მიაღწივს ბონში სახელგანთქმული მეცნიერის, გერმანელი ქიმიკოსის ფ. კეკულეს ლაბორატორიაში. 1874 წელს იცავს სამაგისტრო დისერტაციას.

1875 წელს ირჩევენ კათედრის დოცენტად. 1877 წელს, 32 წლის ასაკში, ბრწყინვალედ იცავს სადოქტორო დისერტაციას ქიმიამში. ტექნიკური ქიმიის კურსის 35 წლის განმავლობაში უძღვებოდა. მუშაობდა ასევე ანალიზური ქიმიის, ორგანული და ფიზიკური ქიმიის საკითხებზე. 1878 წლიდან 1881 წლამდე სამეცნიერო მივლინებაში პარიზში, სორბონის უნივერსიტეტში, სადაც ისეთ დიდ მეცნიერებს ხვდებოდა, როგორებიც იყვნენ ბერთლო, ვიურცი, სენკლერ — დევილი.

1881 წელს თავისი მასწავლებლის ა. ვერიგოს წარდგინებით, ირჩევენ ორდინარულ პროფესორად, 1902 წელს კი დამსახურებული პროფესორი ხდება.

სხვა, შემდგომში ცნობილ ქიმიკოსებთან ერთად, მისი მოწაფე იყო პ. მელიქიშვილი, რომელთანაც 40 წლის მეგობრობა აკავშირებდა.

1905 წელს არჩეული იქნა ფიზიკა-მათემატიკის ფაკულტეტის დეკანად, მას შემდეგ ირჩევენ დროებით რექტორად, 1907 წლიდან კი უნივერსიტეტის რექტორად ინიშნება. მისივე წარდგინებით, დეკანად მუშაობას იწყებს მისი მოწაფე და ერთგული მეგობარი პეტრე მელიქიშვილი, რომელიც ხშირად აღნიშნავდა: „ჩემი სტუდენტობის პირველი დღიდან ვ. პეტრიაშვილის ცხოვრების უკანასკნელ დღემდე მეგობრები ვიყავით. ვასილ მოსეს ძე, როგორც უფროსი ძმა, ისე მიეყრდნობა“.

ოდესის პრესაში იწერებოდა, რომ ვ. პეტრიაშვილი იდეალური რექტორი იყო და თვლიდნენ, რომ მის მსგავსად ამ მო-

ვალეობას, ალბათ, ვერავინ შეასრულებდა. სტუდენტობის დიდი სიყვარული და პატივცემუა ჰქონდა ვ. პეტრიაშვილს. სხვადასხვა ჟურნალებში და გაზეთებში აქვეყნებდა საინტერესო და საჭირო წერილებს. მისი შრომები მეტად პოპულარული იყო როგორც რუსეთში, ისე ევროპაში.

მონაწილეობდა ქალაქის სანიტარული საქმეების მონერგებაში. მის მიერ მოწოდებული, მეცნიერულ საფუძველზე დაყრდნობით, ქალაქის თვითმმართველობა აწარმოებდა საჭირო ღონისძიებებს.

დიდი როლი ითამაშა ოდესაში ქალთა განათლების საქმეში. მისი ინიციატივით და ხელშეწყობით ქალებს აგზავნიდნენ საზღვარგარეთ სასწავლებლად. დიდ ყურადღებას აქცევდა სასწავლებლად წასულ ქართველ ქალებს და მატერიალურ დახმარებასაც უწევდა მათ. 1903 წელს, ოდესაში ქალთა უმაღლესი კურსები გაიხსნა, ამ საქმეში დიდი წვლილი ვ. პეტრიაშვილსაც ჰქონდა შეტანილი.

1902 წელს, კავკასიის სასოფლო სა-მეურნეო საზოგადოებამ საპატიო წევრად აირჩია.

მისი ლექციები გამოირჩეოდა ღრმა შინაარსით და დამსწრეთა დიდ ინტერესს იწვევდა.

ცნობილი ქიმიკოსი, პროფესორი ვ. კაკაბაძე წერდა: „ჩვენი ვალია — ზედმინევიტი შევისწავლოთ ამ გამოჩენილი მეცნიერის, მსურვალე პატრიოტის და იშვიათი ადამიანის ღრმამხიარისიანი ცხოვრება და მოღვაწეობა, მისი მდიდარი მემკვიდრეობა. პეტრიაშვილი იყო წარჩინებული ავადმყოფი მოღვაწე, მუშადარბეული პედაგოგი და აღმზრდელი, იყო თავდადებული და უანგარო საზოგადო მოღვაწე, იშვიათი ადამიანი, შემკული ყოველგვარი მალაღი, კეთილშობილური თვისებებით და გრძობებით, იყო მგზნებარე პატრიოტი. როგორც მეცნიერი, მუშადარბეული იყო, სტუდენტობისთვის იყო ნამდვილი მეგობარი, რომელიც ყოველთვის უწევდა მათ მორალურ თუ მატერიალურ დახმარებას“.

პროფესორ სერგა ავალიანის აზრით, „ვ. პეტრიაშვილმა პირველად შეიტანა ქართულ ენაში მტკიცე, მეცნიერული ნომენკლატურა და შექმნა ახალი, ტექნიკური საბუნებისმეტყველო მეცნიერული ენა. მაგრამ პეტრიაშვილის ნაშრომების ღირსება და მნიშვნელობა მარტო ქართული მეცნიერულ-ტექნიკური ტერმინოლოგიის შექმნით კი არ განისაზღვრება, მან პირველმა ჩაუყარა საფუძველი ქართულ საზოგადოებაში მეცნიერულ აზროვნებას“.

პროფესორი მედვედევი გულახდილად ამბობდა: „ბედნიერი არიან აღზრდილნი ისეთ უნივერსიტეტებში, სადაც არიან ისეთი დიდი პირები, როგორიც იყო ვასილ პეტრიაშვილი. იგი მარტო მეცნიერების მასწავლებელი არ იყო, უფრო მეტად ზნეობის ცოცხალი მაგალითი და მისი მასწავლებელი გახლდათ“.

ვ. პეტრიაშვილი მეგობრობდა ნ. ნიკოლაძესთან და კონსულტაციებს უწევდა მას სოფლის მეურნეობის საკითხების მეცნიერულად გადაწყვეტის საქმეში. როდესაც ნ. ნიკოლაძემ აკაკი წერეთელს უამბო ვასილ პეტრიაშვილის ოდესაში მოღვაწეობის ამბები, აკაკიმ „საქართველოს ლომონოსოვი“ უწოდა მას.

„ვ. პეტრიაშვილი ოდესის უნივერსიტეტის საბუნებისმეტყველო განყოფილების საუკეთესო ხანის საუკეთესო წარმომადგენელი იყო. რაც მან გააკეთა, კარგა ხანია შევიდა სახელმძღვანელოებში. მე ბედნიერი ვარ, რომ წილად მხვდა არა მარტო მისი მონაწილეობა, არამედ მეგობრობა მთელი ოცი წლის განმავლობაში“. „იგი ვინაო სპეციალისტი კი არ იყო, არამედ იყო ფართოდ განათლებული ქიმიკოსი, შესანიშნავი ადამიანი, ამღზრდელი და გამოჩენილი მეცნიერი, — აღნიშნავდა დიდი ქიმიკოსი ნ. ზელინსკი, რომლის სახელობისაც არის დღეს ორგანული ქიმიის ინსტიტუტი მოსკოვში.

სამშობლოს ვ. პეტრიაშვილი არასდროს ივიწყებდა. ქართულ პრესაში ბეჭდავდა სხვადასხვა ხასიათის ნაწარმოებებს, მათ შორის ბელეტრისტულს. მისი წერილები, რომელიც სოფლის მეურნეობას ეხებოდა, დიდად ეხმარებოდა ქართველ საზოგადოებას. ის საქართველოში მევენახეობის განვითარებას და მის ტრადიციებს დიდ ყურადღებას აქცევდა. რუსულ და ქართულ ჟურნალებსა და გაზეთებში სისტემატურად აქვეყნებდა სოფლის მეურნეთათვის საჭირო სტატიებს.

ჟურნალ „ვესტნიკ ვინოდელიაში“, რომელიც პეტერბურგში დაარსდა, შემდეგ კი გადაიტანეს ოდესაში, აქტიურად მუშაობდნენ ვ. პეტრიაშვილი და პ. მელიქიშვილი. ამასთან ორივენი იყვნენ 1901 წელს პარიზში დაარსებული მევენახეობა-მეღვინეობის საერთაშორისო კომისიის წევრები.

პროფესორ ვ. მოდებაძის შეფასებით, „ვ. პეტრიაშვილმა პირველმა ჩაუყარა საფუძველი ქართულ საზოგადოებაში მეცნიერულ აზროვნებას. მევენახეობა-მეღვინეობის დარგში მოღვაწეობით ვ. პეტრიაშვილმა სწორი ადგილი აუღო ქართული ერის ამ ერთ-ერთ მნიშვნელოვან საარსებო წყაროს და უქვეყნადა ხელი შეუწყო თავის სამშობლოში ამ დარგის განვითარებას“.

გაზეთ „მოამბეში“ ხშირად იბეჭდებოდა ვ. პეტრიაშვილის წერილები: „ღვინის დაყენება“, „რძე და მისი გამოყენება“, „სითბო და მისი სარგებლობა“, „ლუი პასტერის ღვანლი ღვინის დაყენებაში“, „ვაზი, მისი მოშენება და მოვლა“ და სხვ. ასეთი ღრმა შინაარსის ნაშრომები მასში რუსულადაც არ იყო გამოქვეყნებული. ქართულ ენაზე შექმნა ქიმიის სახელმძღვანელო, რომელიც, სამწუხაროდ, სხვა საინტერესო ნაშრომებთან ერთად დაკარგულა.

ქართულ ენაზე გაზეთებში გამოქვეყნებული წერილების საფუძველზე შექმნა სოლიდური, კაპიტალური სახელმძღვანელოები: 1894 წელს — „ღვინის დაყენება“; 1895 წელს — „რძე და მისი სხვადასხვაგვარად გამოყენება“; 1905 წელს — „ღვინის წარმოება“, „ძმრის წარმოება“. საქართველოში მრავალი მნიშვნელოვანი ნაშრომი აქვს გამოქვეყნებული მეღვინეობაში, მევენახეობაში. მისი ნაშრომები, რომლებიც მოგვიანებით დაბეჭდა მელიქიშვილმა, ეხებოდა წყალტუბოს წყლებსა და ახტალის ტალახს. ცდილობდა, წელიწადში შეეტანა მარგანცის წარმოების საქმეში.

თავის ნაშრომებში განიხილავდა ქვევრში ღვინის დაყენების საკითხებს, რასაც მეტად საინტერესოდ მიიჩნევდა. აღნიშნავდა სასმელების ისეთ სატრანსპორტო საშუალებებს, როგორიცაა რუმები, ტიკი, ტიკპორა, კოლოტი.

„საქართველოს მეღვინეებისა და სოფლის მეურნეთათვის ვ. პეტრიაშვილის ნაშრომები გახდნენ ნიდაგ სახმარად ძვირფას სახელმძღვანელოებად. ისინი წარმოადგენენ პირველ სამეცნიერო ტრაქტატებს ქართულ ენაზე“. „ის იყო თავისი ეპოქის მოწინავე და დიდი მოღვაწე“, „მას ახასიათებდა იშვიათი თავმდაბლობა“, „იყო იდეალური რექტორი“, „სტუდენტებისათვის ნამდვილი მეგობარი იყო“. „საქართველოში დიდი პოპულარობით სარგებლობდა, არ იყო საქართველოში არ მიემართათ რომელიმე მეცნიერულ-პრაქტიკული საკითხის გადასაწყვეტად“. „იყო მგზნებარე პატრიოტი“, „ის ოცნებობდა საქართველოში უმაღლესი სასწავლებლის დაარსებაზე“. „მას საქართველოსთან კავშირი არასდროს გაუწყვეტია“, — ვიშველებით ისევე პროფესორ ვ. კაკაბაძის სიტყვებს.

1881 წელს ვ. პეტრიაშვილი დაქორწინდა ეკატერინე ყარამანის ასულ თავდგირიძეზე, რომელიც მან პარიზში გაიცნო. ქ-ნი ეკატერინე პოეტ მამია გურიელის დისწული იყო. იგი თავზიანად და მზრუნველობით ეყრდნობდა მეუღლის მეგობრებსა და მოსწავლეებს. ამ ოჯახში შეხვდა და დაუახლოვდა ვ. პეტრიაშვილი აკაკის. აკაკიმ ვ. პეტრიაშვილის საცხოვრებელს ოდესაში „ზღვისპირა პატარა საქართველო უწოდა“. მათთან გამოუღვევლად იკრიბებოდნენ საქართველოდან ჩამოსული თუ ადგილობრივი სტუმრები, ხშირად სტუდენტებიც. იმართებოდა საინტერესო წვეულებები, შეხვედრები და საუბრები. მათი ოჯახის წევრად ითვლებოდა პეტრე მელიქიშვილი.

ილიას, აკაკის და ნიკოლაძის გარდა, ვ. პეტრიაშვილთან მეგობრობდნენ და დიდ პატივს სცემდნენ გ. წერეთელი, სერგი მესხი, ივანე მესხი, იაკობ გოგებაშვილი და სხვა ქართველი გამოჩენილი მწერლები და მოღვაწეები.

თბილისში მცირე ხნით ჩამოსული ვ. პეტრიაშვილი საზოგადოებას გულითადი სითბოთი მიუღია. დიდი სიხარულით შეხვედრია მას ექვთიმე თაყაიშვილი.

ვ. პეტრიაშვილის აზრით, აუცილებელი იყო ბავშვებს პირველად ჯერ თავიანთი ენა ესწავლათ, მშობლიურ ენაზე ჰქონოდათ მიღებული განათლების საფუძველი და მერე არც სხვა ენებზე სწავლა არ გაუჭირდებოდათ, თორემ, მისი სიტყვებით — „ყველგან ისე მომხდარა, თუ ყმანვილი პირველადვე უცხო ენაზე იწყებს სწავლას, იმისგან ხეირი არასდროს გამოსულა“.

ერთხელ გულიც ატიკინეს — სამშობლოდან შორს მყოფს რა სარგებელი მოაქვს თავისი ქვეყნისთვისო. მან კი უპასუხა — მე თუ ვერ მოვასწრებ საქართველოში დაბრუნებას და რაიმე სასარგებლო საქმის გაკეთებას, ამას გააკეთებენ ჩემი განსწავლული მოწაფეები, როდესაც ოდესიდან სამშობლოში დაბრუნდებიან, ისინი არც ისე ცოტანი არიანო.

სამწუხაროდ, ვ. პეტრიაშვილი ჯერ კიდევ ენერგიით სავსე, 1908 წელს, კარლსბადში (ახლანდელი კარლოვი ვარი), ფილტვების ანთებით გარდაიცვალა. მისმა გარდაცვალებამ საქართველოში დიდი გლოვა გამოიწვია, გაზეთებში წაიკითხაველი საუკრად გულთბილ და მწუხარებით აღსავსე წერილებს. ოდესელი სტუდენტობაც განიცდიდა მზრუნველის დაკარგვას, დაკარგვას „კავკასიელი გოლიათისას“, რომელსაც ჯერ კიდევ შეეძლო ბევრი კარგი საქმის გაკეთება.

გაიგო თუ არა პ. მელიქიშვილმა ვ. პეტრიაშვილის ავადმყოფობის ამბავი, სასწრაფოდ წავიდა კარლსბადში. იქედან პ. მელიქიშვილმა დაქვითი აცნობა ნ. ნიკოლაძეს პეტრიაშვილის გარდაცვალებაზე. პ. მელიქიშვილმა მეგობარს ცოცხალს მიუხსრო და ვ. პეტრიაშვილმა, სიცოცხლის ბოლო დღეები პეტრე მელიქიშვილის მზრუნველობისა და პატრონობის ქვეშ გაატარა.

ოდესის უნივერსიტეტში პ. მელიქიშვილი 1869 წელს შევიდა. ვ. პეტრიაშვილი უკვე ამთავრებდა უნივერსიტეტს. ისინი ერთმანეთს ჯერ კიდევ თბილისიდან იცნობდნენ, განახლდა და განმტკიცდა მათი მეგობრობა, რომელიც კიდევ 40 წელს გაგრძელდა. პ. მელიქიშვილისათვის დიდი სულიერი ტრავმა იყო თავისი უფროსი მეგობრისა და მასწავლებლის გარდაცვალება.

მეგობრის გარდაცვალების გამგონე აკაკი ძალზე შეწუხებული და ვ. პეტრიაშვილის სსოვნას ლექსიც კი მიუძღვნა. „ჩემი მოღვაწე, ნამდვილ ქართველი, სიკვდილით ქართველი გულის მომწყველი“, — ასე ამთავრებდა თავის ლექსს აკაკი წერეთელი.

კარლსბადიდან ვ. პეტრიაშვილი ოდესაში გადმოსაყვანეს, მის დაკრძალვაზე უამრავი თბილი სიტყვა ითქვა. შემდეგ კი თბილისში გადმოსაყვანეს და დიდი პატივით დაკრძალეს ვერის სასაფლაოზე. ახლა — ბაგებში, ვაკის სასაფლაოზე განისვენებს. თუმცა მრავალთა აზრია, რომ იგი ბევრად მეტს იმსახურებს.

**თაიშუაზ პეტრიაშვილი, მედიცინის მეცნიერებათა დოქტორი, პროფესორი, თბილისის სახელმწიფო სამედიცინო უნივერსიტეტის პათოფიზიოლოგიის დეპარტამენტის ხელმძღვანელი**





სპორტი

# 2018 წლის შთაბეჭდვითი გამარჯვებებით დაიწყო

თეარ ლალიანი

**უ**ნივერსიტეტის სტუდენტურმა სპორტულმა გუნდებმა მრავალჯერ ასახელეს უნივერსიტეტი. გასული წელი თამამად შეგვიძლია მივიჩნიოთ წარმატებულად, ეს წელიც შთაბეჭდვითი გამარჯვებებით დაიწყო.

## ფუტსალი

უნივერსიტეტის ფუტსალის სტუდენტური გუნდი კვლავ წარმატებით ასპარეზობს. ის ორ სხვადასხვა ჩემპიონატში იღებს მონაწილეობას. მიმდინარე ბიზნეს ჩემპიონთა ლიგაზე თსუ-ის გუნდმა რეგულარული წრე პირველი ადგილით დაასრულა და პლეი-ოფის პირველ მატჩშიც, რომელიც 29 აპრილს გაიმართა, დამაჯერებლად (7-3) გაიმარჯვა საქართველოს უნივერსიტეტის გუნდთან (FC UG). ბიზნეს ლიგა წლიდან წლამდე უფრო პოპულარული ხდება. აღსანიშნავია, რომ თსუ ამ ჩემპიონატზე პირველად იღებს მონაწილეობას და ამ ეტაპამდე დაუმარცხებელია. საუნივერსიტეტო ლიგაზე თსუ-ის გუნდი კვლავ წარმატებით ასპარეზობს და, ექვსი ტურის შემდეგ, ჯგუფში პირველ ადგილს იკავებს. როგორც ვიცით, ამ ჩემპიონატში გამარჯვებული ევრო



უნივერსიტეტი წარადგინა საკუთარ უნივერსიტეტს და ქვეყანას. გასულ წელს, თსუ-ის გუნდმა ევრო სარბიელზე ვერცხლის მედლების მოპოვება შეძლო.

## კალათბურთი

თბილისის სახელმწიფო უნივერსიტეტისა და ჰიუნდაი ავტო საქართველოს ერთობლივი ძალებით შექმნილი კალათბურთის გუნდი — თსუ-ჰიუნდაი, საქართველოს რანგით უმაღლეს, სუპერ ლიგაში იასპარეზებს.

თსუ-ჰიუნდაი ამ ფორმაციით ორი წელია ასპარეზობს. გასულ წელს გუნდის მიზანი „ა“ ლიგაში ადგილის შენარჩუნება და ახალგაზრდა მოთამაშეების გამოცდილების შექმნა გახლდათ, რაც წარმატებით შესრულდა.

ამ სეზონზე გუნდმა უმაღლეს ლიგაში გადასვლა დაისახა მიზნად, რასაც მწვრთნელების, მოთამაშეების, კლუბის მენეჯმენტის მიერ საკმაოდ დიდი სამუშაოს შესრულების შედეგად მიაღწია კიდევ. თსუ-ჰიუნდაიმ საქართველოს საკალათბურთო „ა“

ლიგაში პირველი ადგილი დაიკავა და სუპერ ლიგის ლიცენზია მოიპოვა. 2012 წლის შემდეგ ჩვენმა გუნდმა, პირველად მოახერხა საქართველოს უმაღლეს საკალათბურთო ლიგაში დაბრუნება. აღსანიშნავია, რომ ეს შესანიშნავი გამარჯვება თსუ-ის საიუბილეო წელს დაემთხვა.

თსუ-ჰიუნდაი დაკომპლექტებულია საქართველოს 21 წლამდე ნაკრების წევრებით და 3 ლეგიონერით, რომლებმაც უდიდესი წვლილი შეიტანეს გამარჯვებაში. გუნდს წვრთნის საქართველოს 21 წლამდელთა ნაკრების თავკაცი ნიკო ჩერქეზიშვილი.

„ა“ ლიგის რეგულარული ჩემპიონატი თსუ-ის გუნდმა პირველი ადგილით დაასრულა და პლეი-ოფში მე-4 ადგილსან კსუ-ს (კავკასიის საერთაშორისო უნივერსიტეტი) შეხვდა. სერია ორ მოგებად გრძელდებოდა და თსუ-ჰიუნდაიმ საწყის ორ მატჩში გაიფორმა ფინალის საგზური.

„ა“ ლიგის ფინალურ სერიაში, რომელიც სამ მოგებად გრძელდებოდა, თსუ-ის გუნდმა ბრწყინვალედ ითამაშა და საკმაოდ ძლიერ საკალათბურთო კლუბ — „ტიტებთან“ მოახერხა გამარჯვება ანგარიშით 3-1 (89-74; 105-75; 81-87; 68-60).

მომავალი სეზონისთვის გუნდი უახლოეს მომავალში დაიწყებს მზადებას. თსუ-ჰიუნდაი ბევრად გაძლიერებული შეხვდება სუპერ ლიგას, რომელიც სტარტს ოქტომბერში აიღებს.

## გახსენება

# დალი ფანჯიკიძე – დიდი მთარგმნელი და ღვაწლმოსილი გერმანისტი

**2018** წლის 24 აპრილს გარდაიცვალა დალი ფანჯიკიძე, დიდი მთარგმნელი და გერმანისტი, თარგმანის თეორეტიკოსი და ლიტერატურათმცოდნე, თბილისის სახელმწიფო უნივერსიტეტის ემერიტუს პროფესორი, ივანე მაჩაბლის პრემიის ლაურეატი და სხვა ჯილდოების მფლობელი. თომას მანის რომანების „ბუდენბროკები“, „ჯადოსნური მთა“, „ყალთაბანდ ფელიქს კრულის აღსარება“ თარგმანები უდიდეს შენაძენს წარმოადგენს ქართული კულტურისთვის. ამ რომანების ბრწყინვალე მთარგმნელის დიდ ღვაწლს მხოლოდ გერმანული და ქართული ენების უზადო ფლობა კი არ განაპირობებდა, არამედ ის, რომ მან თომას მანის აზროვნების სიღრმეებში შეღწევა შეძლო, ავტორის ენის სტილის, ირონიის, მისი პროზის რიტმის და მუსიკალურობის სრულყოფილად მიტანა შეძლო ქართველ მკითხველამდე, რასაც თვით ქ-ნი დალიც მისი დიდი შრომის საბოლოო მიზნის განხორციელებად მიიჩნევდა. მას აქვს ისეთი მიგნებები სპეციფიკური გამონათქვამების და შეფარული კონოტაციების თარგმანისა, რაც ორიგინალის ტექსტის ღრმა ანალიზის უნარზე, ფაქიზ ენობრივ ინტუიციასა და მთარგმნელის დიდ ნიჭზე მოწმობს. დალი ფანჯიკიძემ დაგვიტოვა შვეიცარიული მწერლის მაქს ფრიშის რომანების: „Homo Faber“ და „ვიქები თუნდაც განტენბანინ“ (რომელთა ორიგინალებიც სათარგმნელად მას თვით ავტორმა გამოუგზავნა), ასევე ულრიხ პლენცდორფის რომანის „ახალგაზრდა ვ.-ს ახალი ვნებანი“, ჰერმან ჰესეს „ფიქრი და განსჯა“; რაინერ მარია რილკეს წერილების შესანიშნავი თარგმანები.

საერთაშორისო საზოგადოების მიერ დაგეგმილი ეს პროექტი თავის დროზე მთარგმნელისგან დამოუკიდებელი ობიექტური მიზეზების გამო ვერ განხორციელდა და თარგმანი, სამწუხაროდ, გამოუქვეყნებელი დარჩა. დალი ფანჯიკიძემ, ასევე, თარგმნა ალფრედ დიობლინის, სიბილე ბერგის, ჰელმუტ ნიდერლეს და სხვა ავსტრიელი მწერლების მოთხრობები. მისი რედაქტორობით გამოიცა ავსტრიული მოთხრობების სამი კრებული. 2006 წლიდან იგი პოეზიის თარგმანითაც დაინტერესდა და ცნობილი ავსტრიელი მწერლისა და პოეტის ინგებორგ ბახმანის ლექსები და ფელიქს ბრაუნის ფილოსოფიური ლირიკა თარგმნა და გამოაქვეყნა. ავსტრიული ლიტერატურის თარგმანებისთვის მიღებული აქვს ავსტრიის საგარეო საქმეთა სამინისტროს პრემია, ავსტრიის სალიტერატურო საზოგადოებისა და ასევე გოეთეს საერთაშორისო საზოგადოების სტიპენდიები. რამდენიმე წლის წინ დალი ფანჯიკიძემ თარგმნა გრიგოლ რობაქიძის რომანი „ქალმერთის ძახილი“ და მეორე მსოფლიო ომის წლებში შექმნილი გახმაურებული წიგნი „ჰიტლერი უცხოელი მწერლის თვალით“. ამ თარგმანებმაც ქართველი მკითხველის დიდი ინტერესი გამოიწვია. დალი ფანჯიკიძის მეცნიერულ ნაშრომებს თარგმანის თეორიაში დღემდე საქართველოში ანალოგი არ მოეპოვებათ, აქტუალობა არ დაუკარგავთ და ისინი სახელმძღვანელოებად გამოიყენება საქართველოს მთელ საუნივერსიტეტო სივრცეში: „თარგმანის თეორია და პრაქტიკა“ (1988); „წერილები“ (1980); „თარგმანის ახალი თეორიები და სტილის ექვივალენტობის პრობლემა“ (1995); „ქართული თარგმანის ისტორიის საკითხები“ (2001; 2005 წწ.); „ენა, თარგმანი, მკითხველი“ (2002).

დალი ფანჯიკიძე 50 წელზე მეტი მოღვაწეობდა ივანე ჯავახიშვილის სა-



ხელობის თბილისის სახელმწიფო უნივერსიტეტში, როგორც გერმანისტი. 1994-2006 წლებში ის იყო თსუ-ის ჰუმანიტარულ მეცნიერებათა ფაკულტეტის გერმანული ენის კათედრის გამგე, ხოლო 2006-2012 წლებში ხელმძღვანელობდა ლიტერატურათმცოდნეობის ნოდულს, როგორც გერმანული ფილოლოგიის მიმართულების სრული პროფესორი. მას, ლიტერატურათმცოდნეობის კურსების გარდა, მიჰყავდა სალექციო და სასემინარო კურსები თარგმანმცოდნეობაში თსუ-ის ყველა მიმართულებაზე, სადაც კი ეს კურსი იკითხებოდა და თავის უდიდეს პრაქტიკულ გამოცდილებასა და თეორიულ ცოდნას უზიარებდა სტუდენტებს. გერმანული ფილოლოგიის მიმართულების სტუდენტებისთვის მან შექმნა სრულიად ორიგინალური სამაგისტრო კურსი „გერმანულენოვანი ლიტერატურის რეცეფცია საქართველოში“, რომელიც მოიცავს გერმანული ლიტერატურის თარგმანების უმნიშვნელოვანეს

ნიმუშებს. იგი, როგორც მეცნიერი, მონაწილეობდა მრავალ ადგილობრივ-სა თუ საერთაშორისო კონფერენციაში, მათ შორის გერმანიაში. გამოქვეყნებული აქვს რიგი სამეცნიერო სტატიებისა ტრანსლაციის პრობლემებზე ქართულსა და გერმანულ ენებზე. 2012 წლიდან იგი გერმანული ფილოლოგიის კათედრაზე მოღვაწეობდა, როგორც ემერიტუს პროფესორი. 2013 წელს დალი ფანჯიკიძის 50 წლიან მთარგმნელობით და პედაგოგიურ მოღვაწეობას გერმანული ფილოლოგიის მიმართულებაზე მიეძღვნა საერთაშორისო ვორკშოპი — „მხატვრული ლიტერატურის თარგმანი“, რომელიც საზეიმოდ გაიმართა ჰაინრიხ ჰაინეს დიუსელდორფის უნივერსიტეტის პროფესორების, სტუდენტების, ქართველი მთარგმნელებისა და გერმანული ფილოლოგიის კათედრის პროფესორ-მასწავლებლებისა და სტუდენტების მონაწილეობით. დალი ფანჯიკიძემ, როგორც თარგმანის თეორეტიკოსმა და გერმანისტმა, ქართველი მთარგმნელების არა ერთი თაობა აღზარდა. მისი მაღალი კომპეტენცია და პრინციპულობა არაჩვეულებრივ გულსხმიერებას ერწყმოდა, რასაც კოლეგები და მისი ყოფილი სტუდენტები მუდამ გრძნობდნენ და არასოდეს დაივიწყებენ. დალი ფანჯიკიძის მიერ გერმანული ინტელექტუალური რომანების ბრწყინვალე თარგმანების ესთეტიკური ღირებულება, გადაუჭარბებლად შეიძლება ითქვას, დედნისას უტოლდება და, ამრიგად, მისი ღვაწლი, როგორც კულტურტრეგერისა, ქართველი ერისთვის ფასდაუდებელია.

**დალი ფანჯიკიძე, თსუ-ის ჰუმანიტარულ მეცნიერებათა ფაკულტეტის გერმანული ფილოლოგიის კათედრის ხელმძღვანელი, პროფესორი**





